



9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 10 11 12 13 14 15 16 17 18 19 20

C 40-4574



B 64863

大方廣佛華嚴經疏鈔卷四十七

于闐國三藏沙門實叉難陀譯

佛不思議法品第三十三之二



佛子諸佛世尊。有十種廣大佛事。無量無邊不可思議。一切世間諸天及人皆不能知。去來現在所有一切聲聞獨覺亦不能知。唯除如來威神之力。

疏第四十種廣大佛事。明神通自在。卽荅前二會。神通問先總標中。謂八相等中。皆有大用。微細相容故。以此攝物。故名佛事。於中先標名。無量下顯

10 1 2 3

4 5

6 7

8 9

20 1 2 3 4 5 6 7 8 9

30 1 2 3 4 5 6 7 8 9

勝。

何等爲十。所謂一切諸佛於盡虛空徧法界。一切世界。毘率陀天。皆現受生修菩薩行。作大佛事。無量色相。無量威德。無量光明。無量音聲。無量言辭。無量三昧。無量智慧。所行境界。攝取一切人天魔梵沙門婆羅門阿修羅等。大慈無礙。大悲究竟。平等饒益一切衆生。或令生天。或令生人。或淨其根。或調其心。或時爲說差別三乘。或時爲說圓滿一乘。普皆濟度。令出生死。是爲第一廣大佛事。

疏列中先徵後釋。釋中一明上生佛事。於中四。一

別明能攝。二攝取下所攝廣多。三天慈下能攝殊勝。四或令下所攝成益。

佛子。一切諸佛從毘率天降神母胎以究竟三昧。觀受生法。如幻如化。如影如空。如熟時燄。隨樂而受。無量無礙。入無諱法。起無著智。離欲清淨。成就廣大妙莊嚴藏。

疏二降神處胎佛事中。先明智德內圓。

受最後身住大寶莊嚴樓閣而作佛事。或以神力而作佛事。或以正念而作佛事。或現神通而作佛事。或現智日而作佛事。或現諸佛廣大境界而作佛事。或

現諸佛無量光明而作佛事。或入無數廣大三昧而作佛事。或現從彼諸三昧起而作佛事。

疏後受最後下明神通外用於中先一處一時作佛事。

佛子如來爾時在母胎中爲欲利益一切世間種種示現而作佛事所謂或現初生或現童子或現在宮或現出家或復示現成等正覺或復示現轉妙法輪或示現於入般涅槃如是皆以種種方便於一切方一切網一切旋一切種一切世界中而作佛事是爲第二廣大佛事。

疏後佛子如來爾時下總攝時處作佛事此中多處準下瞿波乃至十重此畧舉五皆後廣前前一一切方者卽娑婆與能達十三刹塵數刹十方無間住故二彼上諸刹復有眷屬刹等閩達交絡成網故三達中間海十右旋海故四盡華藏刹海諸刹種故五一切世界者盡法界故

佛子一切諸佛一切善業皆已清淨一切生智皆已明潔而以生法誘導羣迷令其開悟具行衆善爲衆生故示誕王宮。

疏三現生處宮佛事分二初無生現生是誕生相

一切諸佛於諸色欲宮殿妓樂皆已捨離無所貪染常觀諸有空無體性一切樂具悉不真實持佛淨戒究竟圓滿

疏後一切佛於諸色下無染處染是處王宮相於中四。一三學自圓無染是定故。

觀諸內宮妻妾侍從生大悲愍觀諸衆生虛妄不實起大慈心觀諸世間無一可樂而生大喜於一切法心得自在而起大捨。

疏二觀諸下四心愍物。

具佛功德現生法界身相圓滿眷屬清淨而於一切

皆無所著以隨類音爲衆演說令於世法深生厭離如其所行示所得果復以方便隨應教化未成熟者令其成熟已成熟者令得解脫爲作佛事令不退轉復以廣大慈悲之心恒爲衆生說種種法又爲示現三種自在令其開悟心得清淨

疏三具佛下具德攝益

雖處內宮衆所咸覩而於一切諸世界中施作佛事以大智慧以大精進示現種種諸佛神通無礙無盡恒住三種巧方便業所謂身業究竟清淨語業常隨智慧而行意業甚深無有障礙以是方便利益衆生

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

是爲第三廣大佛事。  
疏四雖處下攝益廣深。

佛子。一切諸佛示處種種莊嚴宮殿。觀察厭離。捨而出家。欲使衆生了知世法皆是妄想。無常敗壞。深起厭離。不生染著。永斷世間貪愛煩惱。修清淨行。利益衆生。當出家時。捨俗威儀。住無諍法。滿足本願。無量功德。以大智光滅世癡闇。爲諸世間無上福田。常爲衆生讚佛功德。令於佛所植諸善本。以智慧眼見真實義。復爲衆生讚說出家清淨無過。永得出離。長爲世間智慧高幢。是爲第四廣大佛事。

疏四出家佛事中二。先明出家意。後當出家時。下明出家相。三業二利故。

佛子。一切諸佛。具一切智。於無量法。悉已知見。菩提樹下。成最正覺。降伏衆魔。威德特尊。其身充滿一切世界。神力所作。無邊無盡。於一切智所行之義。皆得自在。修諸功德。悉已圓滿。其菩提座。具足莊嚴。周徧十方。一切世界。佛處其上。轉妙法輪。說諸菩薩所有行願。開示無量諸佛境界。令諸菩薩。皆得悟入。修行種種清淨妙行。復能示導一切衆生。令種善根。生於如來平等地中。住諸菩薩無邊妙行。成就一切功德。

29 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

勝法。一切世界。一切衆生。一切佛刹。一切諸法。一切菩薩。一切教化。一切三世。一切調伏。一切神變。一切衆生心之樂欲。悉善了知而作佛事。是爲第五廣大佛事。

疏五成道佛事中。三初明真覺舊圓。次菩提樹下。應身今滿。後其菩提下演法益生。此頓演華嚴。佛子。一切諸佛。轉不退法輪。令諸菩薩不退轉故。轉無量法輪。令一切世間咸了知故。轉開悟。一切法輪能大無畏。師子吼故。轉一切法智藏法輪。開法藏門除闇障故。轉無礙法輪。等虛空故。轉無著法輪。觀一

切法非有無故。轉照世法輪。令一切衆生淨法眼故。轉開示一切智法輪。悉徧一切三世法故。轉一切佛同一法輪。一切佛法不相違故。一切諸佛以如是等無量無數百千億那由他法輪。隨諸衆生心行差別而作佛事。不可思議。是爲第六廣大佛事。

疏六轉法輪佛事中。義通權實。先列後結。列中。一。唯菩薩乘通四不退。二通五乘。世咸了故。三開權顯實。令悟知見。決定有故。四通三藏。三藏除癡及二障故。五唯頓法。事理雙絕故。六中道法。不著二邊故。七世諦法。淨所知故。八唯佛法。智徧知故。九

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

唯圓法無異味故後以如是下總結卽無量乘爲第十輪隨機演故十皆圓融爲不思議。

佛子一切諸佛入於一切王都城邑爲諸衆生而作佛事所謂人王都邑天王都邑龍王夜叉王乾闥婆王阿修羅王迦樓羅王緊那羅王摩睺羅伽王羅刹王毘舍闍王如是等王一切都邑入城門時大地震動光明普照盲者得眼聾者得耳狂者得心裸者得衣諸憂苦者悉得安樂一切樂器不敢自鳴諸莊嚴具若著不著咸出妙音衆生聞者無不欣樂一切諸佛色身清淨相好具足見者無厭能爲衆生作於佛事所謂若額視若觀察若動轉若屈申若行若住若坐若卧若默若語若現神通若爲說法若有教勅如是一切皆爲衆生而作佛事一切諸佛普於一切無數世界種種衆生心樂海中勸令念佛常勤觀察種諸善根修菩薩行歡佛色相微妙第一一切衆生難可值遇若有得見而興信心則生一切無量善法集佛功德普皆清淨如是稱讚佛功德已分身普往十方世界令諸衆生悉得瞻奉思惟觀察承事供養種諸善根得佛歡喜增長佛種悉當成佛以如是行而作佛事或爲衆生示現色身或出妙音或但微笑令

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

其信樂頭頂禮敬曲躬合掌稱揚讚歎問訊起居而作佛事一切諸佛以如是等無量無數不可言說不可思議種種佛事於一切世界中隨諸衆生心之所樂以本願力大慈悲力一切智力方便教化悉令調伏是爲第七廣大佛事。普依北藏改普

疏七威儀佛事於中四一別舉入城益物二一切諸佛色身下通顯威儀益物三一切諸佛昔於下言談示現益物其昔字晉本所無卽是現益若言昔者乃是舉因顯果必是普字四一切諸佛以如是下總結深廣

佛子一切諸佛或住阿蘭若處而作佛事或住寂靜處而作佛事或住空閑處而作佛事或住佛住處而作佛事或住三昧而作佛事或獨處園林而作佛事或隱身不現而作佛事或住甚深智而作佛事或住諸佛無比境界而作佛事或住不可見種種身行隨諸衆生心樂欲解方便教化無有休息而作佛事或以天身求一切智而作佛事或以龍身夜叉身乾闥婆身阿修羅身迦樓羅身緊那羅身摩睺羅伽人非人等身求一切智而作佛事或以聲聞身獨覺身菩薩身求一切智而作佛事或時說法或時寂默而作

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

佛事。或說一佛。或說多佛而作佛事。或說諸菩薩一切行。一切願爲一行願而作佛事。或說諸菩薩一行願爲無量行願而作佛事。或說佛境界卽世間境界而作佛事。或說世間境界卽佛境界而作佛事。或說佛境界卽非境界而作佛事。或住一日。或住一夜。或住半月。或住一月。或住一年。乃至住不可說劫。爲諸衆生而作佛事。是爲第八廣大佛事。

疏八起行佛事中有四。一身心安住行。蘭若唯山林寂靜通城邑。空閑在無物。二或以天身下起應上求行。三或時說法下說默下化行。四或住一日

下時分進修行。

佛子。一切諸佛。是生清淨善根之藏。令諸衆生於佛法中生淨信解。諸根調伏。永離世間。令諸菩薩於菩提道具智慧明。不由他悟。或現涅槃而作佛事。或現世間皆悉無常而作佛事。或說佛身而作佛事。或說所作皆悉已辦而作佛事。或說功德圓滿無缺而作佛事。或說永斷諸有根本而作佛事。或令衆生厭離世間隨順佛心而作佛事。或說壽命終歸於盡而作佛事。或說世間無一可樂而作佛事。或爲宣說盡未來際供養諸佛而作佛事。或說諸佛轉淨法輪。令其

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

得聞生大歡喜而作佛事。或爲宣說諸佛境界。令其發心而修諸行而作佛事。或爲宣說念佛三昧。令其發心常樂見佛而作佛事。或爲宣說諸根清淨勤求佛道心無懈退而作佛事。或詣一切諸佛國土觀諸境界種種因緣而作佛事。或攝一切諸衆生身皆爲佛身令諸懈怠放逸衆生悉住如來清淨禁戒而作佛事。是爲第九廣大佛事。

疏九起用佛事中二初顯起用所依以是能生功德藏故二或現涅槃下正明起用。

佛子一切諸佛入涅槃時無量衆生悲號涕泣。生大

憂惱遞相瞻顧而作是言。如來世尊有大慈悲哀愍。饒益一切世間與諸衆生爲救爲歸。如來出現難可值遇。無上福田於今永滅。卽以如是令諸衆生悲號戀慕而作佛事。復爲化度。一切天人龍神夜叉乾闥婆阿修羅迦樓羅緊那羅摩睺羅伽人非人等故。隨其樂欲自碎其身以爲舍利。無量無數不可思議。令諸衆生起淨信心恭敬尊重歡喜供養修諸功德。具足圓滿。復起於塔。種種嚴飾。於諸天宮龍宮夜叉宮乾闥婆阿修羅迦樓羅緊那羅摩睺羅伽人非人等。諸宮殿中以爲供養。牙齒爪髮咸以起塔。令其見者

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

勸善錄卷四十一

皆悉念佛念法念僧。信樂不迴。誠敬尊重。在在處處布施供養修諸功德。以是福故。或生天上。或處人間。種族尊榮財產備足。所有眷屬悉皆清淨。不入惡趣。常生善道。恒得見佛。具衆白法。於三有中。速得出離。各隨所願。獲自乘果。於如來所。知恩報恩。永與世間作所歸依。佛子。諸佛世尊。雖般涅槃。仍與衆生作不思議清淨福田。無盡功德。最上福田。令諸衆生善根具足。福德圓滿。是爲第十廣大佛事。

疏十涅槃佛事。別顯用中之一。於中三初明涅槃悲戀益。次復爲化度下。舍利流布益。後佛子下。總

結益滿。若配十問。一本願。一卽種性及國土。二是無礙。四十皆解脫。五出現。六音聲。七身。八智慧。九自在。十無礙。此諸佛事。無量廣大。不可思議。一切世間諸天及人。及去來今。聲聞獨覺。皆不能知。唯除如來威神所加。

疏三結可知。

佛子。諸佛世尊。有十種無二。行自在法。何等爲十。所謂一切諸佛。悉能善說授記言辭。決定無二。一切諸佛。悉能隨順衆生心念。令其意滿。決定無二。一切諸

佛悉能現覺一切諸法演說其義決定無二。一切諸佛悉能具足去來今世諸佛智慧決定無二。一切諸佛悉知三世一切利那卽一利那決定無二。一切諸佛悉知三世一切佛利入一佛利決定無二。一切諸佛悉知三世一切佛語卽一佛語決定無二。一切諸佛悉知三世一切諸佛與其所化一切衆生體性平等決定無二。一切諸佛悉知世法及諸佛法性無差別決定無二。一切諸佛悉知三世一切諸佛所有善根同一善根決定無二是爲十。

疏第五無二行自在法者明無畏自在兼答普光

無畏之問於事明審決定無礙故云無二不畏他難名爲自在別中初四可知次三通二義一以理融相二事事卽入次二唯理後一有三義一同性修故二互廻向故三互王伴故。

佛子諸佛世尊有十種住。住一切法何等爲十所謂一切諸佛住覺悟一切法界。一切諸佛住大悲語。一切諸佛住本大願。一切諸佛住不捨調伏衆生。一切諸佛住無自性法。一切諸佛住平等利益。一切諸佛住無忘失法。一切諸佛住無障礙心。一切諸佛住恒正定心。一切諸佛住等入一切法不違實際相是爲

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

十。

疏第六明住。住一切法者。明三昧自在。兼答普光  
三昧問。如來所住無非三昧。故徧住一切。文顯可

知。

佛子諸佛世尊有十種知。一切法盡無有餘。何等爲  
十。所謂知過去一切法盡無有餘。知未來一切法盡  
無有餘。知現在一切法盡無有餘。知一切言語法盡  
無有餘。知一切世間道盡無有餘。知一切衆生心盡  
無有餘。知一切菩薩善根上中下種種分位盡無有  
餘。知一切佛圓滿智及諸善根不增不減盡無有餘。  
知一切法皆從緣起盡無有餘。知一切世界種盡無  
有餘。知一切法界中如因陀羅網諸差別事盡無有  
餘。是爲十。

疏第七知一劫法盡無有餘者。明十力自在。兼答

普光十力之間。十力智慧照境無遺故亦顯可知。  
佛子諸佛世尊有十種力。何等爲十。所謂廣大力最  
上力。無量力。大威德力。難獲力。不退力。堅固力。不可  
壞力。一切世間不思議力。一切衆生無能動力。是爲  
十。佛子諸佛世尊有十種大那羅延幢勇健法。  
疏第八廣大力者。明神力自在。亦答普光十力之

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

問文中亦三初標次何者下徵釋三結。今初十力是別名大那羅延等是總稱故下列中但依總名是則標中十力一一徧下別中別中十門。一一具前標中十力則成十門。

疏古德將標中十力次第配下十勇健法謂初爲廣大力等則令別中一門不攝前十不成百門亦令餘門無廣大義初門無最上等說欲從勝配者應逆次配之。鈔亦令餘門者以廣大爲初門故言初門無最上等者初門唯有廣大故無餘九最上在初界舉其一等於下八設欲下五遮救謂彼

救云雖則互有何妨從多立名故今荅云從多可爾不應順次以逆次配與文相順故下釋大一一從多逆次名釋然總名那羅延幢者卽帝釋力士之名。

疏十中一廣大者周法界故二最上者無加過故三無分量故四可敬畏故五唯佛得故六作無屈故七當體堅故八緣不壞故九超言念故十不可搖故。取經山文題卷山論卷二十大世間何者爲十所謂一切諸佛身不可壞命不可斷世間毒藥所不能中一切世界水火風災皆於佛身不能

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

爲害。一切諸魔天龍夜叉乾闥婆阿修羅迦樓羅緊那羅摩睺羅伽人非人毘舍闍羅刹等盡其勢力雨大金剛如須彌山及鐵圍山徧於三千大千世界一時俱下不能令佛心有驚怖乃至一毛亦不搖動行住坐卧初無變易佛所住處四方遠近不令其下則不能雨假使不制而從雨之終不爲損若有衆生爲佛所持及佛所使尚不可害况如來身是爲諸佛第一大那羅延幢勇健法。

疏次徵釋中第一身命不可壞力今逆次配此卽不可動力乃至一毛不搖動故文中二先正明不

可動壞謂情非情境俱不能壞後若有衆生下舉况顯勝如今耆婆入火取子入獄問罪等鈔如令耆婆入火者現相已引入獄問罪卽報恩經第四令耆婆往阿鼻地獄問調達云汝今受罪云何調達答云如第三禪樂今取入中問罪苦不能害耳。

佛子一切諸佛以一切法界諸世界中須彌山王及鐵圍山大鐵圍山大海山林宮殿屋宅置一毛孔盡未來劫而諸衆生不覺不知唯除如來神力所被佛子爾時諸佛於一毛孔持於爾所一切世界盡未來

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

劫。或行或住。或坐或卧。不生一念勞倦之心。佛子。譬如虛空。普持一切徧法界中所有世界而無勞倦。一切諸佛於一毛孔持諸世界亦復如是。是爲諸佛第二一大那羅延幢勇健法。

疏第二毛孔容持力。卽是不可思。而諸衆生不覺知矣。

佛子。一切諸佛能於一念起不可說不可說。不可說世界微塵數步。一步過不可說不可說佛刹微塵數國上。如是而行。經一切世界微塵數劫。佛子。假使有一大金剛山與上所經一切佛刹。其量正等。如是量等大

金剛山有不可說不可說佛刹微塵數諸佛。能以如是諸山置一毛孔。佛身毛孔與法界中一切衆生毛孔數等。一毛孔悉置爾許大金剛山。持爾許山遊行十方。入盡虛空。一切世界。從於前際盡未來際。一切諸劫無有休息。佛身無損亦不勞倦。心常在定。無有散亂。是爲諸佛第三大那羅延幢勇健法。

疏第三毛持大山力。卽當不壞。以雖持多大山身。心無勞損。故文中速行廣步。多劫行刹爲一山之量。此山已無邊矣。况有多山在於一毛。况復多毛。窮劫持住。實難思之境矣。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

佛子。一切諸佛一坐食已。結跏趺坐。經前後際。不可說劫。入佛所受不思議樂。其身安住。寂然不動。亦不廢捨化衆生事。佛子。假使有人於徧虛空。一一世界。悉以毛端次第度量。諸佛能於一毛端處。結跏趺坐。盡未來劫。如一毛端處。一切毛端處。悉亦如是。佛子。假使十方一切世界所有衆生。一一衆生其身大小。悉與不可說佛刹微塵數世界量等。輕重亦爾。諸佛能以爾所衆生置一指端。盡於後際所有諸劫。一切指端皆亦如是。盡持爾許一切衆生入徧虛空。一一世界。盡於法界。悉使無餘。而佛身心曾無勞倦。是爲

諸佛第四大那羅延幢勇健法。

疏第四定用自在力。卽是堅固定力安住故。  
佛子。一切諸佛能於一身化現。不可說不可說佛刹微塵數頭。一一頭化現不可說不可說佛刹微塵數舌。一一舌化出不可說不可說佛刹微塵數差別音聲。法界衆生靡不皆聞。一一音聲演不可說不可說佛刹微塵數修多羅藏。一一修多羅藏演不可說不可說佛刹微塵數文字句義。如是演說盡不可說不可說佛刹微塵數劫。盡是劫已。復更演說盡不可說不可說佛刹

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴政錄卷四十七

三

刹微塵數劫。如是次第乃至盡於一切世界微塵數。盡一切衆生心念數。未來際劫猶可窮盡。如來化身所轉法輪無有窮盡。所謂智慧演說法輪。斷諸疑惑法輪。照一切法法輪。開無礙藏法輪。令無量衆生歡喜調伏法輪。開示一切諸菩薩行法輪。高升圓滿大智慧日法輪。普然照世智慧明燈法輪。辯才無畏種種莊嚴法輪。如一佛身以神通力轉如是等差別法輪。一切世法無能爲喻。如是盡虛空界一一毛端分量之處。有不可說不可說佛刹微塵數世界。一一世界中念念現不可說不可說佛刹微塵數化身。一一

化身皆亦如是所說音聲。文字句義。一一充滿一切法界。其中衆生皆得解了。而佛言音無變無斷。無有窮盡。是爲諸佛第五大那羅延幢勇健法。

疏第五常徧演法力。此卽不退言音無變無斷盡故。文中二初明一身轉後如一佛下。明多身轉前中三初顯所說多。次如是演說下。明所說常後所謂下。示所說體。後多身可知。是則常恒之說。前後不無涯。生盲之徒對而莫覩。隨所感見說有始終。佛子。一切諸佛皆以德相莊嚴胸臆。猶若金剛不可損壞。菩提樹下結跏趺坐。魔王軍衆其數無邊種種。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷四十一

異形甚可怖畏。衆生見者靡不驚懼。悉發狂亂。或時致死。如是魔衆徧滿虛空。如來見之心無恐怖。容色不變。一毛不豎。不動不亂。無所分別。離諸喜怒。寂然清淨。任佛所任。具慈悲力。諸根調伏。心無所畏。非諸魔衆所能傾動。而能摧伏一切魔軍。皆使迴心稽首歸依。然後復以三輪教化。令其悉發阿耨多羅三藐三菩提意。永不還轉。是爲諸佛第六大那羅延幢勇健法。

疏第六德相降魔力。卽當難獲。然十皆難獲。世多魔惑。徧立難獲之名。

佛子。一切諸佛有無礙音。其音普徧十方世界。衆生聞者自然調伏。彼諸如來所出音聲須彌盧等。一切諸山不能爲障。天宮龍宮夜叉宮乾闥婆阿修羅迦樓羅緊那羅摩。睞羅伽人非人等。一切諸宮所不能障。一切世界高大音聲亦不能障。隨所應化。一切衆生靡不皆聞。文字句義悉得解了。是爲諸佛第七大那羅延幢勇健法。

疏第七圓音徧徹力。卽是威德。聞皆調伏故。佛子。一切諸佛心無障礙。於百千億那由他不可說。不可說劫恒善清淨。去來現在。一切諸佛同一體性。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏卷四十一

三

無濁無翳。無我無我所。非內非外。了境空寂。不生妄想。無所依。無所作。不住諸相。永斷分別。本性清淨。捨離一切攀緣憶念。於一切法常無違諍。住於實際。離欲清淨。入真法界演說無盡。離量非量。所有妄想。絕爲無爲。一切言說。於不可說無邊境界悉已通達。無礙無盡。智慧方便。成就十力。一切功德莊嚴清淨。演說種種無量諸法。皆與實相不相違背。於諸法界三世諸法悉等無異。究竟自在。入一切法最勝之藏。一切法門正念不惑。安住十方一切佛利而無動轉。得不斷智。知一切法究竟無餘盡。蓋諸有漏心善解脫慧。一

善解脫。住於實際。通達無礙心。常正定於三世法。及以一切衆生心行。一念了達。皆無障礙。是爲諸佛第八大那羅延幢勇健法。

疏第八心無障礙力。卽無量力。離量非量故。初無塵惑障礙。後於不可說下。起用無障礙心。善解脫者。由三種相。一於諸行徧了知故。二於彼相應諸煩惱斷得作證故。三煩惱斷已於一切處離愛住故。鈔心善解脫者。瑜伽八十五說。

佛子。一切諸佛同一法身。境界無量身。功德無邊身。世間無盡身。三界不染身。隨念示現身。非實非虛平。

枝那

華嚴疏卷四十一

七

七

身無處無方徧一切身神變自在無邊色相身種種示現普入一切身妙法方便身智藏普照身示法平等身普徧法界身無動無分別非有非無常清淨身非方便非不方便非威非不威隨所應化一切衆生種種信解而示現身從一切功德寶所生身具一切諸佛法真如身本性寂靜無障礙身成就一切無礙法身徧住一切清淨法界身分形普徧一切世間身無攀緣無退轉永解脫具一切智普了達身是爲諸佛第九大那羅延幢勇健法

疏第九法身微密力卽是最上此總收前八後一更無加故文列二十五身或卽應之真卽真之應卽性之相卽理之智十身圓融同一法界之身不可配於報化故云最上微細

佛子一切諸佛等悟一切諸如來法等修一切諸菩薩行若願若智清淨平等猶如大海悉得滿足行力尊勝未曾退怯住諸三昧無量境界示一切道勸善誠惡智力第一演法無畏隨有所問悉能善答智慧說法平等清淨身語意行悉皆無雜住佛所住諸佛種性以佛智慧而作佛事住一切智演無量法無有

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

根本無有邊際。神通智慧不可思議。一切世間無能解了。智慧深入見一切法微妙廣大無量無邊。三世法門咸善通達。一切世界悉能開曉。以出世智於諸世間作不可說種種佛事。成不退智入諸佛數。雖已證得不可言說離文字法。而能開示種種言辭。以普賢智集諸善行成就一念相應妙慧。於一切法悉能覺了。如先所念。一切衆生皆依自乘而施其法。一切諸法。一切世界。一切衆生。一切三世。於法界內如是境界。其量無邊。以無礙智悉能知見佛子。一切諸佛於一念頃隨所應化出興於世。住清淨土。成等正覺。

現神通力。開悟三世一切衆生。心意及識。不失於時。佛子。衆生無邊。世界無邊。法界無邊。三世無邊。諸佛最勝亦無有邊。悉現於中。成等正覺。以佛智慧。方便。開悟。無有休息。佛子。一切諸佛以神通力現最妙身。住無邊處。大悲方便心無障礙。於一切時。常爲衆生演說妙法。是爲諸佛第十大那羅延幢勇健法。

疏第十具足行智力。即是廣大力。因行如海。果智普周。五無邊界。大用無涯。故文中四。一萬行圓淨。二住佛所住下。智用圓周。三雖已證下。動靜自在。四佛子一切諸佛下。用無涯畔。上之十力。不出三

9 10 1 2 3

4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏卷四十一

三

東

業可以思準。

佛子。此一切諸佛大那羅延幢勇健法無量無邊不可思議。去來現在一切衆生及以二乘不能解了。唯除如來神力所加。

疏第三佛子。此一切下總結可知。

佛子。諸佛世尊有十種決定法。何等爲十。所謂一切諸佛定從兜率壽盡下生。一切諸佛定示受生處胎十月。一切諸佛定厭世俗樂求出家。一切諸佛定坐於菩提樹下成等正覺悟諸佛法。一切諸佛定於一念悟一切法。一切世界示現神力。一切諸佛定能應時轉妙法輪。一切諸佛定能隨彼所種善根應時說法而爲授記。一切諸佛定能應時爲作佛事。一切諸佛定能爲諸成就菩薩而授記。一切諸佛定能一念普答一切衆生所問。是爲十。

疏第九決定法下三門答無礙問。一明所作決定。無能爲礙。此約一類世界。故云決定於異類界。未必定然。又約佛定能爲故云決定耳。

佛子。諸佛世尊有十種速疾法。何等爲十。所謂一切諸佛若有見者。速得遠離一切惡趣。一切諸佛若有見者。速得圓滿殊勝功德。一切諸佛若有見者。速能

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

成就廣大善根。一切諸佛若有見者。速得往生淨妙天上。一切諸佛若有見者。速能除斷一切疑惑。一切諸佛若已發菩提心而得見者。速得成就廣大信解。永不退轉。能隨所應教化衆生。若未發心。卽能速發阿耨多羅三藐三菩提心。一切諸佛若未入正位。而得見者。速入正位。一切諸佛若有見者。速能清淨世出世間。一切諸根。一切諸佛若有見者。速得除滅一切障礙。一切諸佛若有見者。速能獲得無畏辯才。是爲上。

疏二速疾法者。明令他無疑。如如意寶。見速獲益。而薄福不覩。十句五對。離惡趣。圓勝德。二成善因。感樂果。三除疑惑。滿大心。四始入位。終清淨。五淨二礙。具四辨。

佛子。諸佛世尊有十種應常憶念。清淨法。何等爲十。所謂一切諸佛過去因緣。一切菩薩應常憶念。一切諸佛清淨勝行。一切菩薩應常憶念。一切諸佛滿足諸度。一切菩薩應常憶念。一切諸佛成就大願。一切菩薩應常憶念。一切諸佛積集善根。一切菩薩應常憶念。一切諸佛已具梵行。一切菩薩應常憶念。一切諸佛現成正覺。一切菩薩應常憶念。一切諸佛色身。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷四

無量一切菩薩應常憶念。一切諸佛神通無量。一切菩薩應常憶念。一切諸佛十力無畏。一切菩薩應常憶念是爲十。

疏三應憶念清淨者。舉佛無二礙。勸物念持。

佛子。諸佛世尊有十種一切智。任何等爲十。所謂一切諸佛於一念中悉知三世。一切衆生心心所行。一切諸佛於一念中悉知三世。一切衆生所集諸業。及業果報。一切諸佛於一念中悉知一切衆生所宜。以三種輪教化調伏。一切諸佛於一念中盡知法界一切衆生所有心相。於一切處普現佛興。令其得見。方便攝受。一切諸佛於一念中。普隨法界。一切衆生心樂。欲解示現說法。令其調伏。一切諸佛於一念中悉知法界一切衆生心之所樂。爲現神力。一切諸佛於一念中徧一切處。隨所應化。一切衆生示現出興。爲說佛身不可取著。一切諸佛於一念中。普至法界一切處。一切衆生彼彼諸道。一切諸佛於一念中。隨諸衆生有憶念者。在在處處無不往應。一切諸佛於一念中。悉知一切衆生解欲爲其示現無量色相。是爲十。佛子。諸佛世尊有十種無量不可思議佛三昧。何等爲十。所謂一切諸佛恒在正定。於一念中徧一切

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷四

三

處普爲衆生廣說妙法。一切諸佛恒在正定於一念中徧一切處。普爲衆生說無我際。一切諸佛恒住正定於一念中徧。一切處。普入三世。一切諸佛恒在正定於一念中徧。一切處。普入十方廣大佛刹。一切諸佛恒在正定於一念中徧。一切處。普現無量種種佛身。一切諸佛恒在正定於一念中徧。一切處。隨諸衆生種種心解。現身語意。一切諸佛恒在正定於一念中徧。一切處。說一切法離欲真際。一切諸佛恒住正定於一念中徧。一切處。演說一切緣起自性。一切諸佛恒住正定於一念中徧。一切處。示現無量世出世間廣大莊嚴。令諸衆生常得見佛。一切諸佛恒住正定於一念中徧。一切處。令諸衆生悉得通達。一切佛法無量解脫。究竟到於無上彼岸。是爲十佛子。諸佛世尊有十種無礙解脫。何等爲十。所謂一切諸佛能於一塵現不可說不可說。諸佛出興於世。一切諸佛能於一塵現不可說不可說。諸佛轉淨法輪。一切諸佛能於一塵現不可說不可說。衆生受化調伏。一切諸佛能於一塵現不可說不可說。菩薩授記。一切諸佛能於一塵現去來。一切諸佛能於一塵。

現去來今諸世界種。一切諸佛能於一塵現去來。今一切神通。一切諸佛能於一塵現去來。今一切衆生。一切諸佛能於一塵現去來。今一切佛事。是爲十。

問述

華嚴疏錄卷四十一

疏第十一。一切智住下三門答解脫問。初門明智障。解脫智安事理故。名爲住由離障故。一切能知。二無量不思議三昧者。明定障解脫。由離障故。用廣爲無量體深不可思議故。十種之中。各先明在定。後一念徧用。三無礙解脫者。明業用解脫智論云。菩薩有不思議解脫。諸佛有無礙解脫。所作無障。脫拘礙故。故各於一塵頓爲微細作用。若別答十

問者。一答出現。二音聲。三本願。願化盡故。四國土。五節智慧。能授菩薩之記。六佛身。七節種性。云世界種入世化物之種。應非世界海中之種。以前有國土竟故。八自在。九是無礙利生無礙故。十卽解脫。無不爲故。旣隨一門。皆答十問。則包含該攝。是以名不思議。然文少結束。似經來未盡。或顯佛德。無盡故。相海等。猶答前問故。

佛弟子沈明瀚助銀四兩三錢六分刻此

佛不思議法品伏願

先考大雲先母大霽同登華藏洎子嗣得延者

支那

卓英流沙卷四十一

七

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷四十七

大方廣佛華嚴經疏鈔卷四十七

終

文人官五代

人世升祿之重惠奉廿界

正相普蒙諸殊菩薩文瑞六載良子聖野對云廿  
問音一答出東二音遺三本願願外盡其願四十

大方廣佛華嚴經疏鈔卷第四十八之一

于闐國三藏沙門實叉難陀譯

如來十身相海品第三十四

疏初來意者。前品總明果法。此品別顯相德。近答  
前品身問。遠答普光眼等六根。非唯眼等徧於法  
界。而各具多相用。難思議故。

疏二釋名者。如來十身。標人顯德。言相海者。依人  
顯相。如來十身並如前釋。福報奇狀炳著名相。相  
德深廣。故稱爲海。故文云。有十蓮華藏微塵數相。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

相體廣矣。一一用徧。相用廣矣。一一難思。互相融入。體用深矣。若此之相。唯屬圓教。標以十身故。鈔如來十身者。疏文有四。一標名。二辨類。三出體。四辨因。若準探玄宗中。有佛相章。八門分別。一釋名。二體性。三種類。四出因。五積成。六脩時。七建立。八業用。今四門中已具其要。

疏觀佛三昧海經辨相有三類。一畧中畧說。有三十二相。二畧說。八萬四千相。三廣說。有無量相。如雜華經中。爲普賢賢首等說。雜華即此經異名。鈔觀佛三昧下。第二辨類。即引證以辨。於中有二。

先正明。卽第九經菩薩本行品第八佛告阿難。如來有三十二大人相。八十隨形好。金色光明。一一光明無量化佛身。諸毛孔一切變化。及一切色。畧中畧說者。我今爲此時會大眾。及淨飯王畧說相好。佛生人間示同人相。故說三十二相。勝諸天故。說八十種好。爲諸菩薩說。八萬四千諸妙相。好佛實相好。我初成道。摩竭提國寂滅道場爲普賢賢首等諸大菩薩。於雜華經中已廣分別。釋曰。畧言即是經文。二畧三廣。乃疏取意釋之。以前有畧中畧。則必有畧矣。又彼先說八萬四千。今有十蓮華。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

藏故對彼爲廣則彼經文從爲諸菩薩說八萬四千諸妙好相爲第二段從佛實相好我初成道下爲第三段文亦分明。

疏三中初通權小示同於人端正不亂故次唯大乘菩薩脩八萬四千波羅蜜故後唯一乘一乘脩無盡行故又初化次報後屬十身十身之相海依主釋也又初凡聖同見次唯地上後唯圓機然通五位鈔三中下第二料揀依前三類三重料揀一約乘兼含五教初一小乘及始教二卽終教二卽圓教其頓教以無相爲宗後二兼舉因顯果言

示同於人端正不亂者俱舍說輪王相云相不正圓明故與佛非等此名輪王有三十二相有三義不及如來一處不正二相不圓三不明了今正不亂卽處異輪王其端正二字是明是圓故示同人而勝人矣次唯大乘者卽明果相如因中斷八萬四千煩惱成八萬四千波羅蜜獲八萬四千相好無量壽觀經云阿彌陀佛有八萬四千相一一相有八萬四千好一一好復有八萬四千光明一一光明徧照法界念佛衆生攝取不捨卽此中等相也又初約化下二約三身十身料揀若配三身二

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

是報身。二是法身。若約四身。二由屬他受用報。有分限故。後卽自受用報及法。又法身無相。今前二屬三身。後一屬十身。十身必融三身故。後具前二。又初約凡下。三約機見料揀次。唯地上者。他受用故。上報化不同。後唯圓機。卽屬圓融。不分地前地上。故云然通五位。此五位者。卽三賢十聖等妙二覺。六位之中除果位耳。若開十信。卽除等覺。

疏若語其體。初以形色。次卽定慧。後以無盡法界。鈔若語其體。下第三出體。二卽定慧者。以法門爲相故。

疏若語其因。後通純雜。如初會說。故一一相果。皆周法界。前二相因。如瑜伽智度等論。涅槃大集等經。廣如章說。鈔若語其因下。第四辨因。通純雜者。卽是圓融相因。如前王水神處已明。前二相因者。指廣有源。瑜伽四十九云。一切菩薩資糧皆感相好。作業者。宣說種種業。各各感等。如是三十二相。無有差別。當知皆由淨戒爲因。若犯戒尚不得下賤人身。況佛相好。若言各各業感。如契經說。卽是別因。就中有一行感。一相。如云。若諸有情。有所憚。與隨其所樂。正捨珍財。感得煩惱如師子是。或一

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

行感多相。如能施悅意發喜飲食嚴具等。感身皮金色常光一尋。一毛孔一毛生。身皮細滑等。或多行感一相。如言於其父母種種供養。於諸有情諸苦惱事種種救護。由往來等動轉業故。得足下千幅輪相。又由四種脩事業。感一切相。謂決定修。感足下善安住。由委悉脩。感千幅輪等。由恒常修。感織長指等。由無罪修。感餘相皮金色等。又諸佛加行感異。釋曰。此卽一行品類所感不同。論云。此相好種性地有種子。勝解行地修方便清淨。增上意樂地名得。餘上意樂地轉勝清淨。佛地善淨無上。

卽此相由所依性能住持故。由極殊妙令端嚴故。說名隨好。釋曰。從卽此相由所依下。釋好義。好義後品方用。因便此引。其智論涅槃等經初會主水神處已引。若觀佛三昧海經。次前明三品相。後云佛告阿難。如來往昔無量無邊阿僧祇劫以智慧火燒煩惱薪修無相定不作非時證。是故獲得如是相好。一一相中無量化佛。何況多耶。釋曰。此通後二相因。

疏三宗趣者。顯無盡相海爲宗。令修無盡之行。顯成爲趣。鈔令修無盡之行。顯成爲趣者。顯約本

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

## 有成約脩生。

爾時普賢菩薩摩訶薩告諸菩薩言。佛子。今當爲汝演說如來所有相海。

疏後正釋文。文有三別。第一誠聽許說。二正陳相狀。三結畧顯廣。今初所以普賢說者。相海普周故。令行普行。獲普相故。普賢本是會主。前說已窮此便說故。或前品未經來未盡。更應別答國土等問故。鈔普賢本是會王者。此下通不請之妨。有二意通。初意可知。二或前品末下。二約五品答問通。謂先列國土等十問。前品答種性問。此下四品

更答四問。餘之五問。或在此品之前已答。經來未盡。所以畧無別屬問答。前品已明。

○疏第二。佛子如來頂上下。正陳相狀。畧舉九十七相。文通有五。一依處。一列名。三體嚴。四業用。五結數。或畧不具。至文當知。或加成益。業用中攝然名依體用以立。皆以體用釋名。或單從體用。或雙從二。隨文思之。或名與體用義不相似者。則是文畧義含耳。細論一相各依一處。則爲九十七段。經自標次。今以類解。相從依十九處。卽爲十九段。始自於頂。終至於足。斯卽順觀相海。鈔斯卽順觀者。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

觀佛三昧海經說觀佛相海有二。一總觀有三十二別觀。一一諸相就別觀中復有二義。一從頂至足輪名爲順觀。二從足輪至頂名逆觀。故云今是順觀據普賢言應言順說爲欲成觀是本意故名爲順觀。卽彼第九經觀像品爲九。

佛子如來頂上有三十二寶莊嚴大人相。

疏今初依頂中三初約處總標次其中下別列名相後佛子下總結爲嚴。今初寶莊嚴者通顯體嚴事實則云皆摩尼等爲莊嚴故亦顯智寶圓淨嚴故一一相中皆有事理二嚴隨宜解釋大人相二數。

疏若爾餘何不然顯頂尊勝故善生經云一切世間福不及如來一毛功德一切毛功德不及一好功德一切好功德不及一相一切相不及白毫白毫復不及無見頂相故知勝也此約相好相對明之若約人具有好爲勝故相伏於人好勝諸天故餘處說好爲微細鈔若爾等者上正圓融此下

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

通妨謂有問言。若表圓融。何不諸相皆具三十二耶。答意可知。此約相好下。亦是通難。難云。諸經論說伏於人故說三十二相。伏諸天故說八十種好。故人中輪王許有三十二相而無八十種好。則好勝矣。故爲此通。謂此約相體以對好體。相勝於好。彼約人具則具好爲勝。亦如世人一尺之面不及三寸之鼻。三寸之鼻不及一寸之目。則相相相望以辨勝劣。若有人有三寸之鼻。一寸之目。更無餘相。則不及身總具多相爲貴人矣。

其中有大人相名光照一切方。普放無量大光明網。

一切妙寶以爲莊嚴寶髮周徧柔軟密緻。一一咸放摩尼寶光。充滿一切無邊世界。悉現佛身色相圓滿。是爲一。

疏第一相中四者。一列名。名從用立。二一切妙寶下體嚴。三一下業用。四是爲一者結數。他皆倣此。鈔一列名者。謂此名光照一切方等。下辨業用云。一一咸放摩尼寶光等。明知從用以立光名。下諸文勢皆悉如是。或從用立。或從體德。可以意求。

次有大人相名佛眼光明雲。以摩尼王種種莊嚴。出

金色光如眉間毫相所放光明其光普照一切世界是爲一。

疏一中以摩尼下體嚴卽釋光明義其光下業用釋佛眼義佛眼無不照故餘並準思毫相放光如現相品說雲義亦如初會。

次有大人相名充滿法界雲上妙寶輪以爲莊嚴放於如來福智燈明普照十方一切法界諸世界海於中普現一切諸佛及諸菩薩是爲二。

次有大人相名示現普照雲真金摩尼種種莊嚴其諸妙寶咸放光明照不思議諸佛國土一切諸佛於

中出現是爲四。

次有大人相名放寶光明雲摩尼寶王清淨莊嚴毘瑠璃寶以爲華藥光照十方一切法界於中普現種種神變讚歎如來往昔所行智慧功德是爲五。

次有大人相名示現如來徧法界大自在雲菩薩神變寶燄摩尼以爲其冠具如來力覺悟一切寶燄光輪以爲其鬢其光普照十方世界於中示現一切如來坐於道場一切智雲充滿虛空無量法界是爲六次有大人相名如來普燈雲以能震動法界國土大自在寶海而爲莊嚴放淨光明充滿法界於中普現

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴正錄卷之一

九

重

十方諸菩薩功德海過現未來佛智慧幢海是爲七  
次有大人相名普照諸佛廣大雲因陀羅寶如意王  
寶摩尼王寶以爲莊嚴常放菩薩燄燈光明普照十  
方一切世界於中顯現一切諸佛衆色相海大音聲  
海清淨力海是爲八

疏八中嚴內摩尼名意故不同如意

次有大人相名圓滿光明雲上妙瑠璃摩尼王種種  
寶華以爲莊嚴一切衆寶舒大燄網充滿十方一切  
世界一切衆生悉見如來現坐其前讚歎諸佛及諸  
菩薩法身功德令人如來清淨境界是爲九

次有大人相名普照一切菩薩行藏光明雲衆寶妙  
華以爲莊嚴寶光普照無量世界寶燄普覆一切國  
土十方法界通達無礙震動佛音宣暢法海是爲十  
次有大人相名普光照耀雲冕瑠璃因陀羅金剛摩  
尼寶以爲莊嚴瑠璃寶光色相明徹普照一切諸世  
界海出妙音聲充滿法界如是皆從諸佛智慧大功  
德海之所化現是爲十一

疏十一中如是皆從下辨業用因亦業用攝

次有大人相名正覺雲以雜寶華而爲莊嚴其諸寶  
華悉放光明皆有如來坐於道場充滿一切無邊世

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

界令諸世界普得清淨。永斷一切妄想分別。是爲十二。

次有大人相名光明照耀雲以寶藏海心王摩尼而爲莊嚴。放大光明。光中顯現無量菩薩及諸菩薩所行之行。一切如來智身法身諸色相海充滿法界。是爲十三。

次有大人相名莊嚴普照雲以金剛華毘琉璃寶而爲莊嚴。放大光明。光中有大寶蓮華座。具足莊嚴彌覆法界。自然演說四菩薩行。其音普偏諸法界海。是爲十四。

疏十四用中云四菩薩行者。瑜伽菩薩地云。一切菩薩各有四行。一波羅蜜行。二菩提分法行。三神通行。四成熟有情行。

次有大人相名現佛三昧海行雲。於一念中示現。如來無量莊嚴普偏莊嚴。一切法界不思議法界海。是爲十五。

次有大人相名變化海普照雲。妙寶蓮華如須彌山。以爲莊嚴。衆寶光明從佛願生。現諸變化無有窮盡。是爲十六。

次有大人相名一切如來解脫雲清淨妙寶以爲莊

嚴放光明莊嚴一切佛師子座示現一切諸佛色像及無量佛法諸佛刹海是爲十七。

次有大人相名自在方便普照雲兒瑠璃華真金蓮華摩尼王燈妙法燄雲以爲莊嚴放一切諸佛寶燄密雲清淨光明充滿法界於中普現一切妙好莊嚴之具是爲十八。

次有大人相名覺佛種性雲無量寶光以爲莊嚴具足千輪內外清淨從於往昔善根所生其光徧照十方世界發明智日宣布法海是爲十九。

疏十九云具足千輪者梵本云具千輻輪也。

次有大人相名現一切如來相自在雲衆寶瓔珞瓔珞寶華以爲莊嚴舒大寶燄充滿法界於中普現等一切佛刹微塵數去來現在無量諸佛如師子王勇猛無畏色相智慧皆悉具足是爲二十。

次有大人相名徧照一切法界雲如來寶相清淨莊嚴放大光明普照法界顯現一切無量無邊諸佛菩薩智慧妙藏是爲二十一。

疏二十一示身智二光俱顯智慧。

次有大人相名毘盧遮那如來相雲上妙寶華及毘琉璃清淨妙月以爲莊嚴悉放無量百千萬億摩尼

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

寶光充滿一切虛空法界。於中示現無量佛刹。皆有如來結跏趺坐。是爲二十二。

次有大人相名普照。一切佛光明雲。衆寶妙燈以爲莊嚴。放淨光明徧照十方。一切世界。悉現諸佛轉於法輪。是爲二十三。

次有大人相名普現。一切莊嚴雲。種種寶映。以爲莊嚴。放淨光明充滿法界。念念常現。不可說。不可說。一切諸佛與諸菩薩坐於道場。是爲二十四。

次有大人相名出。一切法界音聲雲。摩尼寶海上。妙施檀以爲莊嚴。舒大映網。充滿法界。其中普演微妙

音聲。示諸衆生。一切業海。是爲二十五。

次有大人相名普照。諸佛變化輪雲。如來淨眼。以爲莊嚴。光照十方。一切世界。於中普現去來。今佛所有。一切莊嚴之具。復出妙音演不思議廣大法海。是爲二十六。

疏二十六中莊嚴云。如來淨眼爲莊嚴者。此通十眼。光照下顯業用。亦通身智。二光淨眼及光釋前普照。現於嚴具。是上輪義。卽法輪故。

次有大人相名光照。佛海雲。其光普照。一切世界。盡于法界。無所障礙。悉有如來結跏趺坐。是爲二十七。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

次有大人相名寶燈雲放於如來廣大光明普照十方一切法界於中普現一切諸佛及諸菩薩不可思議諸衆生海是爲二十八。

次有大人相名法界無差別雲放於如來大智光明普照十方諸佛國土一切菩薩道場衆會無量法海於中普現種種神通復出妙音隨諸衆生心之所樂演說普賢菩薩行願令其迴向是爲二十九。

次有大人相名安住一切世界海普照雲放寶光明充滿一切虛空法界於中普現淨妙道場及佛菩薩莊嚴身相令其見者得無所見是爲三十。

次有大人相名一切寶清淨光燄雲放於無量諸佛菩薩摩尼妙寶清淨光明普照十方一切法界於中普現諸菩薩海莫不具足如來神力常遊十方盡虛空界一切刹網是爲三十一。

疏從二十七至三十一並畧無莊嚴亦由名中已含有故。

次有大人相名普照一切法界莊嚴雲最處於中漸次隆起闡浮檀金因陀羅網以爲莊嚴放淨光雲充滿法界念念常現一切世界諸佛菩薩道場衆會是爲三十二。

疏三十二先名次最處下體嚴此居頂極特顯別處故云處中則知所餘皆繞此相畧不明耳漸次隆起者正顯其相智論第五云如來頂有骨髻如拳觀佛三昧經云如合拳卽隆起之相也鈔觀佛三昧者卽第四經引此成上如拳拳言尚隱合拳卽覆拳於頂上有隆起之相也然此相能滅一切罪長一切福故佛頂尊勝正明於此卽烏瑟尼沙贊念贊觀延善住之壽滅地獄之苦不受七反畜生永離人間殘報

佛子如來頂上有如是三十二種大人相以爲嚴好

疏三總結爲嚴

佛子如來眉間有大人相名徧法界光明雲摩尼寶華以爲莊嚴放大光明其衆寶色猶如日月洞徹清淨其光普照十方國土於中顯現一切佛身復出妙音宣暢法海是爲三十三

疏第二眉間有一相自下並有依處故文皆有五初依處二顯名三摩尼下體嚴謂此相若收則右旋如覆瑠璃椀若展則具十楞有大光明嚴唯一寶光具多色中表皆空即是洞徹四其光下業用復出已下卽是法光故此光名從用而立五結數

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二

可知 鈔則具十楞者亦觀佛三昧經第二廣說  
觀白毫之相彼經先說白毫之因云從捨心不慳  
不見前相不憶財物無所封著而行布施下取意

持戒忍辱六度十力四無所畏諸妙功德生次  
云我滅度後有諸弟子晝夜六時能於一時中少  
分少分之中能須臾間念佛白毫令心了了無謬  
亂想分明止住注意不息念白毫者若見相好若  
不得見如是等人除九十六億那由他恒河沙微  
塵數劫生死之罪佛告父王如來有無量相好一  
一相中有八萬四千諸小相好如是相好不及白

毫少分功德釋曰故應觀察況依此經如是而觀  
如來眼有大人相名自在普見雲以衆妙寶而爲莊  
嚴摩尼寶光清淨映徹普見一切皆無障礙是爲三  
十四。

如來鼻有大人相名一切神通智慧雲清淨妙寶以  
爲莊嚴衆寶色光彌覆其上於中出現無量化佛坐  
寶蓮華往諸世界爲一切菩薩一切衆生演不思議  
諸佛法海是爲三十五。

疏第三眼第四鼻各有一相

如來舌有大人相名示現音聲影像雲衆色妙寶以

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之二

爲莊嚴宿世善根之所成就。其舌廣長徧覆一切諸世界海。如來若或熙怡微笑。必放一切摩尼寶光。其光普照十方法界。能令一切心得清淨。去來現在所有諸佛皆於光中炳然顯現。悉演廣大微妙之音。徧一切刹住無量劫。是爲三十六。

如來舌復有大人相。名法界雲。其掌安平。衆寶爲嚴。放妙寶光色相圓滿。猶如眉間所放光明。其光普照一切佛刹。唯塵所成。無有自性。光中復現無量諸佛。咸發妙音。說一切法。是爲三十七。

疏第五舌有四相初一卽舌廣長相。於體嚴中宿

善成者。此舉因嚴。徧此說因者。令讚演一乘故。其舌廣長卽語其體福德人至鼻。權佛至髮際。餘大乘中明現神足方至梵世。或覆三千。今直語體便覆一切。後如來下辨其業用。演法釋音聲。現佛釋影像。鈔福德人者。卽智度論文。或至梵世。卽法華經。如來神力品爾時如來出廣長舌上至梵世。或覆三千。卽阿彌陀云。出廣長舌徧覆三千大千世界。說誠實言。

疏二舌掌之相。掌謂近根其光下顯業用。光照諸刹。令應度者無俟觀破。搏聚自曉。但合塵成何性。

9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99

撰述

華嚴經卷之一

十一

重

之有。鈔無俟觀破者。金剛經云。須菩提於意云何。三千大千世界所有微塵是爲多不。須菩提言甚多。世尊。須菩提諸微塵如來說非微塵是名微塵。如來說世界非世界是名世界。釋曰。此段論名第十。色及衆生身搏取中觀破。相應行住處。大意云。衆生世界但攬塵成。今從龐至細乃至極微皆無實體。故云世界則非世界。今云無俟觀破者。觀破但是假想。爲未了者。若了法本空。不待觀破。又彼云搏取。今云搏聚。是義引耳。什公云。欲破極微覺賢云。以一故衆。以衆故一。微自無性。則爲空矣。

餘如前說。

如來舌端有大人相。名照法界光明雲。如意寶王以爲莊嚴。自然恒出金色寶燄。於中影現一切佛海。復震妙音。充滿一切無邊世界。一一音中具一切音。悉演妙法。聽者心悅。經無量劫。玩味不忘。是爲三十八。如來舌端復有大人相。名照耀法界雲。摩尼寶王以爲嚴飾。演衆色相微妙光明。充滿十方無量國土。盡于法界靡不清淨。於中悉有無量諸佛及諸菩薩各吐妙音。種種開示。一切菩薩現前聽受。是爲三十九。疏後二同在舌端。或居左右。或在上下。觀文業用。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之一

但有展卷不同。前則卷佛海於舌端。後則展諸佛  
於法界。

如來口上齶有大人相名示現不思議法界雲。因陀  
羅寶毘琉璃寶以爲莊嚴放香燈燄清淨光雲充滿  
十方一切法界。示現種種神通方便普於一切諸世  
界海開演甚深不思議法是爲四十。

疏第六上齶一相上齶既有下亦宜然或是梵本  
脫漏。

如來口右輔下牙有大人相名佛牙雲衆寶摩尼山  
字相輪以爲莊嚴放大光明普照法界於中普現一  
切佛身周流十方開悟羣生是爲四十一。  
疏第七牙有四相謂左右上下四大牙故故佛涅  
槃四牙不碎輔頰也亦云頰車骨也。鈔故佛涅  
槃者卽後分經聖軀廓潤品。

如來口右輔上牙有大人相名寶燄彌盧藏雲摩尼  
寶藏以爲莊嚴放金剛香燄清淨光明一一光明充  
滿法界示現一切諸佛神力復現一切十方世界淨  
妙道場是爲四十二。

疏二右輔上牙名彌盧者顯妙高故。

如來口左輔下牙有大人相名寶燈普照雲一切妙

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之二

寶舒華發香以爲莊嚴放燈燄雲清淨光明充滿一切諸世界海於中顯現一切諸佛坐蓮華藏師子之座諸菩薩衆所共圍繞是爲四十三。

如來口左輔上牙有大人相名照現如來雲清淨光明闍浮檀金寶網寶華以爲莊嚴放大燄輪充滿法界於中普現一切諸佛以神通力於虛空中流布法乳法燈法寶教化一切諸菩薩衆是爲四十四。

疏四中有法乳等三同一演法約資法身名乳照了萬境稱燈令其圓淨爲寶卽演三德涅槃之法亦成三德涅槃之益也 鈔四中有法乳者論第

三十八云五想聽法一如寶一如眼三如明四大果功德五無罪想今云法燈舍明眼二義大果卽資法身無罪總明離過。

如來齒有大人相名普現光明雲一一齒間相海莊嚴若微笑時悉放光明具衆寶色摩尼寶燄右旋宛轉流布法界靡不充滿演佛言音說普賢行是爲四十五。

疏第八齒有一相

如來脣有大人相名影現一切寶光雲放闍浮檀真金色蓮華色一切寶色廣大光明照于法界悉令清

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴所錄卷之二

三

淨是爲四十六

疏第九脣有一相。上二各應分出上下。放闍浮下。體嚴以脣色赤好。如日初出紅蓮葉故後照于下業用。

如來頸有大人相名普照一切世界雲。摩尼寶王以爲莊嚴紺蒲成就柔軟細滑放毘盧遮那清淨光明充滿十方一切世界於中普現一切諸佛是爲四十七。

疏第十頸有一相。

如來右肩有大人相名佛廣大一切寶雲放一切寶

色真金色蓮華色光明成寶燄網普照法界於中普現一切菩薩是爲四十八。

如來右肩復有大人相名最勝寶普照雲其色清淨如闍浮金放摩尼光充滿法界於中普現一切菩薩是爲四十九。

如來左肩有大人相名最勝光煩法界雲猶如頂上及以眉間種種莊嚴放闍浮檀金及蓮華色衆寶光明成大燄網充滿法界於中示現一切神力是爲五十。

如來左肩復有大人相名光明徧照雲其相右旋闍

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之十八

三

浮檀金色摩尼寶王以爲莊嚴放衆寶華香燄光明充滿法界於中普現一切諸佛及以一切嚴淨國土是爲五十一。

如來左肩復有大人相名普照耀雲其相右旋微密莊嚴放佛燈燄雲清淨光明充徧法界於中顯現一切菩薩種種莊嚴悉皆妙好是爲五十二

疏第十一肩有五相右二左三或亦脫也

如來胷臆有大人相形如陀字名吉祥海雲摩尼寶華以爲莊嚴放一切寶色種種光燄輪充滿法界普令清淨復出妙音宣暢法海是爲五十三

吉祥相右邊復有大人相名普現光照雲因陀羅網以爲莊嚴放大光輪充滿法界於中普現無量諸佛是爲五十四

吉祥相右邊復有大人相名普現如來雲以諸菩薩摩尼寶冠而爲莊嚴放大光明普照十方一切世界悉令清淨於中示現去來今佛坐於道場普現神力廣宣法海是爲五十五

吉祥相右邊復有大人相名開敷華雲摩尼寶華以爲莊嚴放寶香燄燈清淨光明狀如蓮華充滿世界是爲五十六

19 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

吉祥相右邊復有大人相名可悅樂金色雲以一切寶心王藏摩尼王而爲莊嚴放淨光明照千法界於中普現猶如佛眼廣大光明摩尼寶藏是爲五十七吉祥相右邊復有大人相名佛海雲毘瑠璃寶香燈華鬘以爲莊嚴放滿虛空摩尼寶王香燈大燄清淨光明充滿十方一切國土於中普現道場衆會是爲五十八

吉祥相左邊有大人相名示現光明雲無數菩薩坐寶蓮華以爲莊嚴放摩尼王種種間錯寶燄光明普淨一切諸法界海於中示現無量諸佛及佛妙音演說諸法是爲五十九

吉祥相左邊復有大人相名示現徧法界光明雲摩尼寶海以爲莊嚴放大光明徧一切刹於中普現諸菩薩衆是爲六十

吉祥相左邊復有大人相名普勝雲日光明摩尼王寶輪蔓而爲莊嚴放大光燄充滿法界諸世界海於中示現一切世界一切如來一切衆生是爲六十一吉祥相左邊復有大人相名轉法輪妙音雲一切法燈清淨香藥以爲莊嚴放大光明充滿法界於中普現一切諸佛所有相海及以心海是爲六十二

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

吉祥相左邊復有大人相名莊嚴雲。以去來今一切佛海而爲莊嚴。放淨光明。嚴淨一切諸佛國土。於中普現十方一切諸佛菩薩及佛菩薩所行之行。是爲六十三。

疏第十二。晉有十一相。初一當中。左右各五。今初卍字。正翻爲吉祥海雲。以依形立名。故先標形。相應廻安名下。以屬體攝。無違前後。左右可知。

如來右手有大人相名海照雲。衆寶莊嚴。恒放月燄。清淨光明。充滿虛空。一切世界。發大音聲。歡美一切諸菩薩行。是爲六十四。

如來右手復有大人相名影現照耀雲。以毘琉璃帝青摩尼寶華而爲莊嚴。放大光明。普照十方菩薩所住蓮華藏。摩尼藏等。一切世界。於中悉現無量諸佛。以淨法身坐菩提樹。震動一切十方國土。是爲六十五。

如來右手復有大人相名燈燄普嚴淨雲。毘盧遮那寶以爲莊嚴。放大光明。成變化網。於中普現諸菩薩衆。咸戴寶冠。演諸行海。是爲六十六。

如來右手復有大人相名普現一切摩尼。蓮華燄。燈而爲莊嚴。放海藏光。充滿法界。於中普現無量諸

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷之一

三

重

佛坐蓮華座。是爲六十七。

如來右手復有大人相名光明雲。摩尼燄海以爲莊嚴。放衆寶燄香燄華燄清淨光明。充滿一切諸世界網。於中普現諸佛道場。是爲六十八。

疏第十三手有十三相。分三初九直語手相。右五左四者。或左脫一。或表右常用故。而前肩則右二左三。相通正等。右中六十六云。成變化網者。光化爲網也。

如來左手有大人相名毘琉璃清淨燈雲。寶地妙色以爲莊嚴。放於如來金色光明。念念常現。一切上妙莊嚴之具。是爲六十九。

如來左手復有大人相名一切刹智慧燈音聲雲。以因陀羅網金剛華而爲莊嚴。放闍浮檀金清淨光明普照十方一切世界。是爲七十。

如來左手復有大人相名安住寶蓮華光明雲。衆寶妙華以爲莊嚴。放大光明。如須彌燈普照十方一切世界。是爲七十一。

如來左手復有大人相名徧照法界雲。以妙寶鬘寶輪寶瓶。因陀羅網及衆妙相。以爲莊嚴。放大光明。普照十方一切國土。於中示現一切法界。一切世界。海

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之一

三

重

一切如來坐蓮華座。是爲七十二。

疏左中七十二云。因陀羅網爲嚴者。即是網輓之。相互涉入故。

如來右手指有大人相名現諸劫刹海旋雲水月燄藏摩尼王一切寶華以爲莊嚴。放大光明充滿法界。其中恒出微妙音聲滿十方刹。是爲七十三。

如來左手指有大人相名安住一切寶雲。以帝青金剛寶而爲莊嚴。放摩尼王衆寶光明充滿法界。其中普現一切諸佛及諸菩薩。是爲七十四。

疏次二左右指可知。

如來右手掌有大人相名照耀雲。以摩尼王千幅寶輪而爲莊嚴。放寶光明。其光右旋充滿法界。於中普現一切諸佛。一一佛身光燄熾然。說法度人淨諸世界。是爲七十五。

如來左手掌有大人相名燄輪。普增長化現法界。道場雲以日光摩尼王千幅輪而爲莊嚴。放大光明。充滿一切諸世界。海於中示現。一切菩薩演說普賢所有行海。普入一切諸佛國土。各各開悟無量衆生。是爲七十六。

疏後二左右掌皆有千輪者。輪燄輪三事具足。

9 10 1 2 3 4 5 6 7 8 9 20

1

30

1

9

自然成就。不待人功。  
如來陰藏有大人相名普流出佛音聲雲。一切妙寶  
以爲莊嚴。放摩尼燈華燄光明。其光熾盛。其衆寶色  
普照一切虛空法界。其中普現一切諸佛。遊行往來  
處處周備。是爲七十七。

疏第十四陰藏一相猶如馬王。

如來右脣有大人相名寶燈鬘普照雲。諸摩尼寶以  
爲莊嚴。放不思議寶燄光明彌布十方。一切法界與  
虛空法界同爲一相。而能出生一切諸相。一一相中  
悉現諸佛自在神變。是爲七十八。

疏第十五坐處二相。  
如來左脣有大人相名普現一切法界海光明彌覆  
虛空雲猶如蓮華清淨妙寶以爲嚴飾。放光明網徧  
照十方。一切法界於中普現種種相雲。是爲七十九。

疏第十六坐處二相。  
如來右脣有大人相名普現雲。以衆色摩尼而爲莊  
嚴。其脣與臍上下相稱。放摩尼燄妙法光明。於一念  
中能普示現一切寶王遊步相海。是爲八十。  
如來左脣有大人相名現一切佛無量相海雲。一切  
寶海隨順安住。以爲莊嚴廣大遊行放淨光明。普照  
衆生。悉使希求無上佛法。是爲八十一。

疏第十六。脛有二相。左云隨順安住者。脛多行動。故須多寶隨順而嚴。

如來右邊伊尼延鹿王脢。有大人相。名一切虛空法界雲光明妙寶。以爲莊嚴。其相圓直。善能遊步。放闊浮金色清淨光明。徧照一切諸佛世界。發大音聲。普皆震動。復現一切諸佛國土。住於虛空。寶燄莊嚴。無量菩薩從身化現。是爲八十一。

如來左邊伊尼延鹿王脢。有大人相。名莊嚴海雲。色如真金。能徧遊行。一切佛刹放一切寶清淨光明。充滿法界。施作佛事。是爲八十三。

如來寶脢上毛。有大人相。名普現法界影像雲。其毛右旋。一一毛端放寶光明。充滿十方。一切法界。示現一切諸佛神力。其諸毛孔悉放光明。一切佛刹於中顯現。是爲八十四。

疏第十七。脢有三相。第三脢毛通於二脢。若準晉經。直云毛端。則通身一切毛也。義應如昔。則處成十九。

如來足下有大人相。名一切菩薩海安住雲。色如金剛闍浮檀。金清淨蓮華。放寶光明。普照十方。諸世界海。寶香燄雲。處處周徧。舉足將步。香氣周流。具衆寶。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴經卷之二

三

色充滿法界是爲八十五。

疏第十八足有十三相通分爲七。初足下一相。畧無左右而晉經足趺之後別有足下千輻輪相。此必合有故後品明足下輪相名普照王。今經千輪之言乃在指間或以常明易知指間有異故舉之耳。名安住者以足下安平一切著地不容針故。如來右足上有大人相名普照一切光明雲一切衆寶以爲莊嚴放大光明充滿法界示現一切諸佛菩薩是爲八十六。

如來左足上有大人相名普現一切諸佛雲寶藏摩

尼以爲莊嚴放寶光明於念念中現一切佛神通變化及其法海所坐道場盡未來際劫無有間斷是爲入十七。

疏二足上。

如來右足指間有大人相名光照一切法界海雲須彌燈摩尼王千輻燄輪種種莊嚴放大光明充滿十方一切法界諸世界海於中普現一切諸佛所有種種寶莊嚴相是爲八十八。

如來左足指間有大人相名現一切佛海雲摩尼寶華香燄燈鬘一切寶輪以爲莊嚴恒放寶海清淨光

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

明充滿虛空。普及十方一切世界。於中示現一切諸佛及諸菩薩圓滿音聲。卍字等相利益無量。一切衆生是爲八十九。

疏三足指間。

如來右足跟有大人相名。自在照耀雲。帝青寶未以爲莊嚴。常放如來妙寶光明。其光妙好。充滿法界。皆同一相。無有差別。於中示現一切諸佛坐於道場。演說妙法。是爲九十。

如來左足跟有大人相名。示現妙音演說諸法海雲。以變化海摩尼寶香。燄海須彌華。摩尼寶及毘琉璃。

而爲莊嚴。放大光明。充滿法界。於中普現諸佛神力。是爲九十一。

疏四足跟。

如來右足趺有大人相名。示現一切莊嚴光明雲。衆寶所成極妙莊嚴。放闊浮檀金色清淨光明。普照十方一切法界。其光明相猶如大雲。普覆一切諸佛道場。是爲九十二。

如來左足趺有大人相名。現衆色相雲。以一切月燄藏毘盧遮那寶因陀羅尼羅寶。而爲莊嚴。念念遊行諸法界海。放摩尼燈香燄光明。其光徧滿一切法界。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之一

三

是爲九十三。

疏五足趺。

如來右足四周有大人相。名普藏雲因陀羅尼羅金剛寶以爲莊嚴。放寶光明。充滿虛空於中。示現一切諸佛坐於道場。摩尼寶王師子之座。是爲九十四。如來左足四周有大人相。名光明徧照法界雲。摩尼寶華以爲莊嚴。放大光明。充滿法界。平等一相。於中示現一切諸佛及諸菩薩自在神力。以大妙音演說法界無盡法門。是爲九十五。

疏六足四周因陀羅尼羅者。此云帝青。

如來右足指端有大人相。名示現莊嚴雲。甚可愛樂。闍浮檀清淨真金以爲莊嚴。放大光明。充滿十方一切法界。於中示現一切諸佛及諸菩薩無盡法海種種功德神通變化。是爲九十六。

如來左足指端有大人相。名現一切佛神變雲。不思議佛光明月燄普香摩尼寶燄輪以爲莊嚴。放衆寶色清淨光明充滿一切諸世界海。於中示現一切諸佛及諸菩薩演說一切諸佛法海。是爲九十七。

疏七足指端上六各左右爲二丈顯可知。

疏上來畧列九十七相次第數名。譯者安置既不

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之一

三

說盡。豈不盈百。足下闕一。脣齶不開。設合此二。六根皆辨耳。何獨殊若加兩耳。及足下一。則圓百數。以顯無盡。豈不妙哉。況此中所列。於三十二尚有無次第之數。故知九十七數。不在生情配屬諸法。鈔上來畧列下。結釋料揀。於中有四。初總辨名數。言譯者安置者。以晉經無數故。既不說盡下。二明立理。欲合盈百故。言既不說盡者。十蓮華塵不可說盡故。況此中下三重以理成。合成百義。晉經有遺下。四遮其傍救。恐有救云。如大慧百八。豈要

圓數。凡立名數多有所表故。故今難云。此有九十七卽有所表。晉有九十四復何所表。昔表爲是。今表卽非。是故不應生情配屬。若表亦須成九十八佛子。毘盧遮那如來有如是等十華藏世界海微塵數大人相。一一身分衆寶妙相。以爲莊嚴。

疏第三佛子下。結畧顯廣別說難周。故須結畧。非畧能盡。故須顯廣。一華藏塵相已無邊。況十華藏。則無盡無盡。非普眼者安能覩歟。旣三十二相權實不同。互有互無。故不會釋。

佛弟子葉祥胤捐資四兩入錢。刺此一卷祝

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

父葉元康健薦母李氏超生自身道心日增  
室獲資冥福當來證悟炳現十身

圓瑛弘立答辨錄卷之二

大方廣佛華嚴經疏鈔卷四十八之二

于闐國三藏沙門實叉難陀譯

清涼山大華嚴寺沙門澄觀撰述

如來隨好光明功德品第三十五

疏初來意者前品明相此品辨好相好雖殊俱用  
嚴身以荅前身及眼等兼自在問好依相有德劣  
於相故次明之劣德之用用成頓益翻顯大相德  
難思矣

疏二釋名者如來標人表德隨好等顯德依人隨  
好是體隨逐大相益姿好故光明者用功德者德

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

香嚴疏金卷之二

謂從好發光光能益物顯好之德故以爲名如來之隨好等亦如來有隨好等通二釋也 鈔隨逐大相者卽觀佛經意前品已引

疏三宗趣者明好勝德爲宗令物敬修爲趣爾時世尊告寶手菩薩言佛子如來應正等覺有隨好名圓滿王此隨好中出大光明名爲熾盛七百萬阿僧祇光明而爲眷屬

疏次釋文中二先畧後廣畧中二先標果好二佛子我爲下舉因對顯 今初佛自說者有一意故一僧祇因終此品果極故二皆佛說二好用劣相

而用難思恐物不信故佛自說告寶手者亦有一義一說手隨好彼主此門故二令當寶重起信手故有隨好者總相舉也卽足下之好與後名同故德用周備故云圓滿攝益自在最勝名王光名熾盛者如日具德由此復能攝諸眷屬百萬等顯多復云七者淨七支修七覺照七地故 鈔照七地者一種性地二勝解行地三淨勝意樂地即是初四正行地從二地至七地五決定地八地六決定行地九地七到究竟地從十地至如來地佛子我爲菩薩時於兜率天宮放大光明名光幢王

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

## 照十佛刹微塵數世界

疏第二舉因對顯者爲顯勝故此有數重。一以相德深廣言不能備故置之說好。二好德復多以三十二相既有八十隨好十蓮華藏之相好彌多矣且舉其一三一中置勝但說劣者故明足下四足下一好復有多光但說一光五果位一光亦不可說故寄因顯因光成益三重頓圓況果一光如是展轉況於諸相況復總說如來諸德果海絕言亦斯義矣。鈔如是展轉者上有五重今越中間故云展轉然其舉况亦合五重一以因一光況果一

光所越應云二果一光尚爾况果多光三足下好光尚爾况餘好光四好光尚爾況於一相五一相尚爾況於多相疏文但有初及後句餘可例耳復應更有二重謂六外相尚爾況於內德七一德尚爾況於多德故瑜伽四十九廣說舉況因說相好因竟云又於此中以要言之一切有情福聚量等爾所福聚能感如來一毛孔處乃至一切所有毛孔隨入福聚能感如來一種隨好乃至所有一切隨好隨入福聚增至百倍爾所福聚能感如來相中一相乃至一切所有諸相隨入福聚除白毫烏

瑟膩沙增至十倍爾所福聚能感如來眉間白毫乃至白毫增至百千倍爾所福聚能感如來其頂上現烏瑟膩沙無見頂相乃至白毫隨爾福聚增至俱胝百千倍爾所福聚能感如來諸相隨好而不攝餘大法螺相由此法螺隨如來欲發大音聲普能徧告無邊無際諸世界中所化有情如是無量福聚資糧修證圓滿能感如來不可思議無上無等徧一切種圓滿所攝自體下取意引又此相隨好畧由三因說爲無量一時無量三僧祇修故二意樂無量緣無量衆生利益安樂故三品類無文

量無量善業差別故故云無量福聚能起如來諸相隨好釋曰經中說所感之相論舉能感之因而因果相成此文證知佛德難思可證前後數節之文

疏文中二先光照分齊卽前圓滿好中放光故不別標放處而非前光好具多光故

彼世界中地獄衆生遇斯光者衆苦休息得十種清淨眼耳鼻舌身意亦復如是咸生歡喜踊躍稱慶疏後彼世界下光所成益於中二先令離苦淨宿善益

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

從彼命終生兜率天。天中有鼓名甚可慶樂。彼天生已此鼓發音而告之言。諸天子汝以心不放逸於如來所種諸善根。往昔親近衆善知識。毘盧遮那大威神力。於彼命終來生此天。

疏後從彼命下轉報生天得聞法益於中初示宿因謂昔近善友必聞普法成金剛種心不放逸顯曾修行種諸善根通見聞等次毘盧下顯其現緣後於彼下結因屬果文從畧故結屬生天理實息苦及淨眼等皆由此因緣也是知佛光等照不種善因無斯勝益何以一光頓成斯益無盡功德之

所顯故純淨法界之所流故非如權教八十隨好但嚴於形生信而已此中畧無墮獄之因謂雖修乘戒行寬故鈔謂雖修乘者初地已引別有一解以全悟意往昔親近衆善知識親近法華涅槃經等衆善知識心不放逸顯曾修行依諸經修行後聞此經因該果海果徹因源便生毀謗故墮地獄由聞歷耳種金剛種以爲宿因毘盧遮那大威神力以爲現緣因緣相資頓昇十地等據此卽非是戒緩墮於地獄故十地品云雖此衆淨廣智慧甚深明利能決擇其心不動如山王不可傾覆逾

大海有行未久。十生五生解未得。未有華嚴圓融之解。隨識而行不隨智。聞此生疑墮惡道。我愍是等故不說。此即是生疑墮地獄。又偈讚品云。如來廣大身。究竟於法界。不離於此座。而徧一切處。若有聞此法。恭敬信樂者。永離三惡道。一切諸苦難。釋曰。定知不是戒緩。又出現品云。如乾草積等須彌。投芥子火必燒盡。供養如來少功德。必令滅苦至涅槃。何以故。性究竟故。全悟雖是後輩。不忍見疏失於經意。所以扶同拯教異於古人。緣疏已行不可改疏。請後賢審詳。

佛子。菩薩足下千輻輪。名光明普照王。此有隨好。名圓滿王。常放四十種光明。中有一光。名清淨功德。能照億那由他佛刹微塵數世界。隨諸衆生。種種業行。種種欲樂。皆令成熟。阿鼻地獄極苦衆生。遇斯光者。皆悉命終。生兜率天。

疏第二。佛子菩薩足下廣辨。但廣於因果難說。故文中亦一先廣淨宿善益。後既生天下廣聞法益。今初摧下惡趣之苦。放足下輪光。四十光者。表四十位無不照故。中有一者。置廣說畧。能照已下。分齊過前。隨諸已下。淨惑成德。故前光受清淨等。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

名以重況輕舉阿鼻耳。

既生天已。聞天鼓音而告之言。善哉善哉。諸天子。毘盧遮那菩薩入離垢三昧。汝當敬禮爾時諸天子。聞天鼓音如是勸誨。咸生是念。奇哉希有。何因發此微妙之音。是時天鼓告諸天子言。我所發聲。諸善根力之所成就。

疏第一廣聞法中長分爲六。一。畧標勸誨。二。爾時諸天子下。聞已生疑。三。是時天鼓下總示所因。四。諸天子如我說下。正明勸教。五。時諸天子聞是音下。依勸詣佛。六。說是法時下。見聞益深。前三可知。

諸天子如我說我而不著我不著我所。一切諸佛亦復如是。自說是佛不著於我不著我所。諸天子如我音聲不從東方來。不從南西北方四維上下來。業報成佛亦復如是非十方來。

疏四中有四。一。以已喻佛無我無來。

諸天子譬如汝等昔在地獄地獄及身非十方來。但由於汝顛倒惡業愚癡纏縛生地獄身此無根本。無有來處。諸天子。毘盧遮那菩薩威德力故。放大光明。而此光明。非十方來。諸天子我天鼓音亦復如是非十方來。但以三昧善根力故。般若波羅蜜威德力故。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷之二

出生如是清淨音聲示現如是種種自在諸天子譬如須彌山王有三十三天上妙宮殿種種樂具而此樂具非十方來我天鼓音亦復如是非十方來

疏一諸天子譬如汝下以他喻已顯來卽無來文有三喻並顯可知然惡業善根是來因緣因緣無性故來卽無來非先有法在十方中從彼來也故因緣者卽是智慧智慧之法本非因緣云何念言地獄及身旣由惡業卽從惡業中來前業成佛卽從善根中來何以並言非十方來故今釋云正由從

業卽是從緣無性來卽無來若不從緣則有定性不得無來中論云若法從緣生是卽無定性若無定性者云何有是法卽因緣故空義耳故因緣者卽畧暗引涅槃二十一爲證前疏已引彼經云智慧之法不從因緣云何問於因緣今取此勢汝諸天子何因向疑何因發此微妙之音

諸天子譬如億那由他佛刹微塵數世界盡末爲塵我爲如是塵數衆生隨其所樂而演說法令大歡喜然我於彼不生疲厭不生退怯不生憍慢不生放逸諸天子覓盧遮那菩薩住離垢三昧亦復如是於右

9 10 1 2 3

4 5 6 7 8 9

20 1

2 3 4 5 6 7 8 9

30 1

2 3 4 5 6 7 8 9

手掌一隨好中放一光明出現無量自在神力。一切聲聞辟支佛尚不能知况諸衆生。

疏三諸天子譬如億那由下以已况佛難思之境合中舉手隨好者別舉顯勝上救下趣故舉足光今約現通故說手也。

諸天子汝當往詣彼菩薩所親近供養勿復貪著五欲樂具。

疏四諸天子汝當下正勸往詣誠不應留於中二先總誠勸。

著五欲無障諸善根諸天子譬如劫火燒須彌山悉

令除盡無餘可得貪欲纏心亦復如是終不能生念佛之意。

疏後著五欲下廣釋於中亦二先釋前誠有法喻合。

諸天子汝等應當知恩報恩諸天子其有衆生不知報恩多遭橫死生於地獄諸天子汝等昔在地獄之中蒙光照身捨彼生此汝等今者宜疾迴向增長善根諸天子如我天鼓非男非女而能出生無量無邊不思議事汝天子天女亦復如是非男非女而能受用種種上妙宮殿園林如我天鼓不生不滅色受想

行識亦復如是。不生不滅。汝等若能於此悟解。應知則入無依印三昧。

疏後諸天子下。釋勸於中有六。一順釋爲報恩故。二諸天子其有下反釋。三諸天子汝等下。示其恩相。四汝等今者下。勸往增善。五諸天子如我天鼓非男非女下。示法令修。謂說二空。非男女喻。以顯人空。不生滅喻。以顯法空。六汝等若能下。勸修成益。言無依者。旣解悟無生。則能所雙絕。儻然靡據。故曰無依。以斯智印。印定萬法。不收不攝。任心自安。故稱三昧。

時諸天子聞是音已。得未曾有。卽皆化作一萬華雲。一萬香雲。一萬音樂雲。一萬幢雲。一萬蓋雲。一萬歌舞讚雲。作是化已。卽共往詣毘盧遮那菩薩所住宮殿。合掌恭敬。於一面立。欲申瞻覲。而不得見。

疏第五依勸。詣佛中分五一獻供不遇。

時有天子作如是言。毘盧遮那菩薩已從此沒生於人間淨飯王家。乘旃檀樓閣處摩耶夫人胎。疏二時有下。聞其所在。

時諸天子以天眼觀見菩薩身處在人間淨飯王家。梵天欲天承事供養。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

## 疏三時諸天下觀見下生。

諸天子衆咸作是念。我等若不往菩薩所問訊起居。乃至一念於此天宮而生愛著。則爲不可。時一一天子與十那由他眷屬欲下閻浮提。

疏四諸天子衆下發心欲往。

時天鼓中出聲告言。諸天子。菩薩摩訶薩。非此命終。而生彼間。但以神通隨諸衆生心之所宜。令其得見。疏五時天鼓中出聲告下。教見佛儀於中。二先教識受生。令捨曲見。後教發心悔過。令其必見。今初由前不遇。後覩下生。不離有無。情存彼此。故示

體用顯無生現生。文中有法喻合法。中先誠其曲見。後但以下示其正見。是知佛化所生。非歿生也。鈔先教識者。涅槃二十一說。若見如來實王宮生。納妃生子。雙林滅等。是二乘曲見。是知已下。卽淨名經觀衆生品。舍利弗問天女汝於此沒當生何所。天曰。佛化所生。吾如彼生。曰佛化所生。非沒生也。天曰。衆生猶然非沒生也。

諸天子。如我今者。非眼所見。而能出聲。菩薩摩訶薩入離垢三昧。亦復如是非眼所見。而能處處示現受生。離分別除憍慢無染著。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏一諸天子如我下喻。二菩薩下合於中先明法身無生徧而叵見後而能下。應無不生。卽處處皆有。有感此中亦見。何須更下闇浮離分別下。顯應生之德。拂其諸見以無分別智而生。非謂有選生處。雖處王宮而無憍慢。諸天圍遶而無染著。鈔先明法身者。叵不可也。故出現品云。譬如法界徧一切不可見取爲一切。諸佛境界亦復然徧於一切非一切。非謂有者。本行經說如來將欲下生。以淨天眼觀閻浮提。何處堪我下生。乃至云唯有淨飯王家堪。餘家不堪。似有選生處。無分別智實無

選擇。卽智之悲。應物然耳。則選無所選。

○疏第二諸天子汝等應發下教發心悔過中三先標教誨次徵問其方後如法正教夫欲悔過須識逆順十心。謂先識十種順生死心。以爲所治。一妄計人我起於身見。一內具煩惱外遇惡緣我心隆盛。三內外旣具滅善心事。不喜他善。四縱恣三業無惡不爲。五事雖不廣惡心徧布。六惡心相續晝夜不斷。七覆諱過失不欲人知。八虜扈抵突不畏惡道。九無慚無愧。不懼凡聖。十撥無因果作一聞提。鈔夫欲悔過下先明所治之病。此卽天台止

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

觀之意。今初但畧彼名。若具云。一自從無始。闇識昏迷。煩惱所醉。妄計我人。計我人故。起於身見。由身見故。妄想顛倒。由顛倒故。起貪嗔痴。故廣造諸業。業則流轉生死。二者內具煩惱。外值惡友。扇動邪法。勸惑我心。倍加隆盛。三者內外惡緣既具。則能內滅善心。外滅善事。又於他善。都無隨喜。四者縱恣。下七全同。但八言虧扈者。亦云跋扈。皆不尊敬貌。下結云。是爲十種順生死流。昏倒造惡。如廁蟲樂廁。不覺不知。積集重累。不可稱計。四重五逆。極至闡提。生死浩然而無際畔。

疏次起十種逆生死心。從後翻破。一明信因果。二自愧。三責。三怖畏惡道。四不覆瑕疵。五斷相續心。六發菩提心。七修功補過。八隨喜他善。九念十方佛。十觀罪性空。今此三段文。皆具有而爲次不同。向以起心之次第。此以勝劣言故。鈔次起十種下。二顯能治之藥。彼云。今欲懺悔。應當逆此罪流。用十種心翻除惡法。先正信。因果決定。屏然業種雖久久不敗亡。終無自作。他人受果。精識善惡。不生疑惑。是爲深信。翻破一闡提心。二自愧。三責。鄙極罪人。無羞無耻。習畜生法。棄捨白淨。第一莊嚴。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

咄哉無釣造斯重罪天見我屏罪是故慚天人見我顯罪是故愧人以此翻破無慚無愧心三怖畏惡道人命無常一息不追千載長往幽途縵邈無有資糧苦海悠深船筏安寄聖賢呵棄無所恃怙年事稍去風刀不奢豈可宴然坐待酸痛譬如野干失耳尾牙詐眠望脫忽聞斷頭心大驚怖遭生老病尚不爲急死事不奢那得不怖怖心起時如履湯火六塵五欲不暇貪染如阿育王弟坐於御牀希大帝王聞旃陀羅朝朝振鈴一日已盡六日當死雖有五欲無一念受行者怖畏苦到懺悔不

惜身命如野干決死絕無思念如彼怖王以此翻破不畏惡道心四當發露不覆藏疵賊毒惡草急須除之根露條枯源乾流竭若覆藏罪是不良人迦葉頭陀令大衆中發露方等令向一人發露其餘行法但以實心向佛像前自求改革如隱處有癱覆諱不治則致於死以此翻破覆藏罪心五斷相續心者一懺已後更不復作若懺悔已更重作者譬如王法初犯得輕若更作則重初入道場罪則易減更作難除若能吐之云何更噉以此翻破常念惡事心六發菩提心者昔自安危人徧惱一

切境今廣起兼濟偏至虛空界利益於他以此翻  
破於一切處起惡心也七修功補過者昔三業造  
罪不計畫夜今善身口意策勵不休匪移山岳安  
填江海以此翻破縱恣三業之心八守護正法者  
昔自滅善亦滅他善不自隨喜亦不喜他今守護  
諸善方便增廣不令斷絕勝鬘經云守護正法攝  
受正法最爲第一翻破無隨喜心今疏但云隨喜  
他善者取意對上耳九念十方佛者昔親狎惡友  
信受其言今念十方佛念無等慈作不請友念無  
等智作大導師翻破順惡友心十觀罪性空者了

達貪欲嗔癡之心皆是寂靜門何以故貪嗔若起  
在何處住知此貪嗔住於妄念妄念住於顛倒顛  
倒在地身見身見住於我見我見則無住處十方  
諦求不可得我心自空罪福無主深達罪福相  
徧照於十方令此空慧與心相應如日出時朝露  
皆失一切諸心皆是寂靜門樂寂靜故以此翻破  
無明昏暗是爲十種懺悔順涅槃道逆生死流能  
滅四重五逆之過若不解此十心全不識是非云  
何懺悔設入道場徒爲苦行終無大益涅槃云若  
言勤修苦行是大涅槃近因緣者無有是處卽斯

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

垂露頭金卷之二

意也是名懺悔事中除滅重罪彼止觀中更有別  
懺悔見罪亦有十心翻破前十而皆約觀行別歷  
十心大意觀罪性空中意與下經文同不能繁引  
其中釋文此疏不廣及下釋經皆已暗用今皆併  
引使知來處亦分疏中主客之言向以起心者從  
微至著故翻破則從龕至細謂先起信心次生慚  
愧等如垢衣受垢先微後著洗濯之時先去龕垢  
後除細垢言此中則以勝劣言故者謂菩薩最勝  
等故

諸天子汝等應發阿耨多羅三藐三菩提心

疏今初標教誨中文有四節治其六失一發菩提  
心爲懺所依以是行本攝衆德故首而明之翻昔  
惡心徧布自安危人今悲覆法界廣利有情鈔  
一發菩提心者依菩提心懺方爲真懺不發心懺  
非是真善故五十八經云忘失菩提心修諸善根  
是爲魔業故以是行本下通不次妨義如前說  
淨治其意住善威儀

疏一淨治下令淨三業爲能懺體淨治其意是意  
止行住善威儀義通止作謂當發露不覆瑕疵及  
斷相續心翻前六七

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

悔除一切業障煩惱障報障見障。

疏二悔除一切下令懺四障卽所滅之非謂惑業苦業報二障約因果分異既懺報障則怖畏惡道以翻不畏天子新從彼來故不廣明於煩惱中利鈍分二邪見斷善最可畏故別明見障又障所知亦見障故餘如別說鈔餘如別說者此有二事一明二障名體下疏更明二明別說見障卽如河引止觀說也。

以盡法界衆生數等身以盡法界衆生數等頭以盡法界衆生數等舌以盡法界衆生數等善身業善語以盡法界衆生數等皆對懺法界衆生數等皆對懺

業善意業悔除所有諸障過惡。

疏四以盡法界下運心普偏令無不盡由昔起過既徧諸境今悔昔非故普運三業等衆生界一一佛前及衆生前皆發露懺悔既人天凡聖皆對懺悔則自愧尅責翻無慚愧由意徧運令身口徧頭卽頂禮兼身爲總五輪著地此言徧者爲以何徧故下次言善二業徧此卽修功補過翻縱恣三業鈔於一一佛前者佛爲懺悔之主憑佛能除衆生是所觀對之境昔曾惱害故既於人天者一一衆生中有天一一佛前卽聖聖天見我屏過人見

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

垂露面金卷之二十一

十一

十一

我顯過故爲慚愧此一段疏用一段經而有一意  
一以偏對翻無慚愧。一由意偏運下亦以偏對翻  
第四縱恣三業時諸天子聞是語已得未曾有心大歡喜而問之言  
菩薩摩訶薩云何悔除一切過惡。

疏第二時諸天子下微問其方上言猶畧餘義未  
盡故次徵之。

爾時天鼓以菩薩三昧善根力故發聲告言。

疏第三爾時天鼓下如法正教正教觀罪性空兼  
顯妄計我人撥無因果外遇五緣而文分二先明  
發聲之因鈔兼顯妄計者觀罪性空正破妄計  
而言兼顯者以有二意故一兼顯所治故下三事  
皆是所治次下一一皆有能治謂勝義空破妄計  
我人顯非斷常破撥無因果對十方佛翻外遇惡  
緣二者觀空正破橫計我人今加後二故云兼也  
唯一性空破於三過。

諸天子菩薩知諸業不從東方來不從南西北方四  
維上下來而共積集止住於心但從顛倒生無有住  
處菩薩如是決定明見無有疑惑。  
疏後諸天子下正說教誨於中分五一別觀業空。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

二總觀四障。二別觀見惑。四對業觀報。五總結懺益。今初業爲報因。二障首故。非先有體。從十方來。正顯空義。但從顛倒生。釋空所以。由業障海。從妄想生。故無自性。令此空慧與心相應。則決定無疑。能如是知。卽名菩薩。鈔今初文也。下出別懺業。及先懺。所以非先有體。下釋經有二。先釋不從東方等來。無體性故。卽是空義。二釋從顛倒生。言釋空所以者。從因緣生。卽空所以。以從顛倒生。故成無體性空義。從由業障海下。卽普賢觀經引此成上二義。卽一切業障海。皆從妄想生。若欲懺悔。薩故。

諸天子。如我天鼓說業說報。說行說戒說喜說安說諸三昧。諸佛菩薩亦復如是。說我說我所說。衆生說食恚癡種種諸業。而實無我。無有我所。諸所作業。六趣果報。十方推求。悉不可得。

疏第一。諸天子。如我天鼓下。總觀四障。卽天鼓說

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴疏錄卷之二

法無說喻以喻俗有真無先喻中初舉所治謂業報一障後說行等五卽是能治謂行善止惡喜他安他住定鈔以喻俗有者卽中論意緣生幻有爲俗無性空理爲真

疏後諸佛下合於中先隨俗說有言我我所者卽是見障說貪恚癡卽煩惱障後而實下勝義實無有無二文二障影畧既無我所翻破第一妄計人我鈔有無二文者謂說有中畧無報障說無之中畧無煩惱從旣無我下會前十心

諸天子譬如我聲不生不滅造惡諸天不聞餘聲唯

聞以地獄覺悟之聲一切諸業亦復如是非生非滅隨有修集則受其報

疏第三譬如我聲下別破見惑見惑深險故廣破之文有三喻一鼓無生滅隨聞喻業雖無生隨修感報謂向觀業空爲遣執有若謂爲空諸佛不化故今顯非斷無翻破無因果鈔若謂爲空者中論云諸佛說空法爲離於有見若復見有空諸佛所不化故今顯下會上十心以是緣成無性之無故非斷無所以經言而受其報亦同淨名無我無造無受者善惡之業亦不亡

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

諸天子如我天鼓所出音聲於無量劫不可窮盡無有間斷若來若去皆不可得諸天子若有去來則有斷常一切諸佛終不演說有斷常法除爲方便成熟衆生。

疏一聲無去來喻歸中道定有卽常定無則斷俱亦是二故雙破二見顯離斷常 鈔定有卽常者亦中論偈云定有則著常定無則著斷是故有智者不應著有無言俱亦是二者謂有無俱者則二見相違而亦不離亦斷亦常言故雙破二見者故經云諸佛不說有斷常法。

疏文中先喻諸天子若有下合若有可來卽常去而不來則斷故雖空不斷雖有不常 鈔故雖空下亦中論偈論云雖空亦不斷雖有而不常罪福亦不失是名佛所說

諸天子譬如我聲於無量世界隨衆生心皆使得聞一切諸佛亦復如是隨衆生心悉令得見

疏三鼓聲隨心喻佛由心見遣其心外定執憍王令其真念十方諸佛翻破外遇惡緣 鈔令其真念者若不了唯心見從外來取色分齊豈知卽心卽佛若知心佛衆生三無差別爲真念佛善知

誠云念佛即是念心念心即是念佛佛無形相心無生滅心境一致故爲真念。

諸天子如有玻瓈鏡名爲能照清淨鑒徹與十世界其量正等無量無邊諸國土中一切山川一切衆生乃至地獄畜生餓鬼所有影像皆於中現諸天子於汝意云何彼諸影像可得說言來入鏡中從鏡去不答言不也諸天子一切諸業亦復如是雖能出生諸業果報無來去處諸天子譬如幻師幻惑人眼當知諸業亦復如是。

疏第四如波瓈下對業觀報文有一喻一鏡像體

虛喻喻雖有而無謂鏡像依鏡現像非去來果報業生何有來去一幻師惑眼喻業招報雖無而有又業亦如幻又幻非有無卽中道矣鈔又業亦如幻者重幻之義如前已引又幻非有無下上辨性空此下說中道

若如是知是真實懺悔一切罪惡悉得清淨。

疏第五若如是下總結懺益可知

說此法時百千億那由他佛刹微塵數世界中兜率陀諸天子得無生法忍無量不思議阿僧祇六欲諸天子發阿耨多羅三藐三菩提心六欲天中一切天

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏卷之二

女皆捨女身發於無上菩提之意。  
疏第六見聞益深中二先明餘衆益以三昧力聲  
普聞故鈔以三昧力者釋妨妨云此土兜率天  
鼓說法云何益及百千億等刹耶答意可知。

爾時諸天子聞說普賢廣大迴向故得十地故獲諸  
力莊嚴三昧故。

疏後爾時下正辨當機益於中二先一重益後其  
諸香雲下展轉益前中亦二先得法益後以衆生  
下見佛益今初皆有故字義似牒前爲因則見  
佛爲益而前來未有得十地等處爲何所牒是以  
晉經皆無故字應言聞說普賢廣大迴向故便得  
十地獲諸力莊嚴三昧上句得位下句成行分得  
十力爲莊嚴故鈔今初等者疏文有五一牒經  
義言似牒前爲因者則似由聞迴向及得十地并  
得三昧此三爲因見佛爲益二前來下出不合加  
故字所以三二是以下引古經爲證四應言下正其  
經文五上句下釋文位卽十地言下句成行者卽  
諸力莊嚴三昧分得十力下釋力義謂十力是佛  
果德今言得者卽分得耳。

以衆生數等清淨三業悔除一切諸重障故卽見百

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

千億那由他佛利微塵數七寶蓮華一一華上皆有菩薩結跏趺坐放大光明彼諸菩薩一一隨好放衆生數等光明彼光明中有衆生數等諸佛結跏趺坐隨衆生心而爲說法而猶未現離垢三昧少分之力爾時彼諸天子以上衆華復於身上一一毛孔化作衆生數等衆妙華雲供養毘盧遮那如來持以散佛一切皆於佛身上住。

疏一明見佛益中三一明見因一卽見下正明見佛三爾時下敬心興供言以上者上來持華詣佛猶未散故毛孔出華者已得地位故華在最初故

畧舉之上所持中有香蓋等故下見香見蓋並皆成益。

其諸香雲普雨無量佛利微塵數世界若有衆生身蒙香者其身安樂譬如丘入第四禪一切業障皆得消滅。

疏第一展轉益中二一聞香益一見蓋益並依前供成今初有法喻合法中由脫障故得解脫樂故喻四禪無八災患。

若有聞者彼諸衆生於色聲香味觸其內具有五百煩惱其外亦有五百煩惱貪行多者二萬一千曠行

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

多者一萬一千。癡行多者一萬一千。等分行者一萬一千。

疏若有下合由滅障故得淨善根是爲益相文中先顯所滅卽八萬四千古有二釋。一云衆生煩惱根本有十然一惑力復各有十卽爲一百計應分爲九品但上品重故開爲三品中下輕故各爲一品合爲五百復於內外境起謂自五塵爲內以他五塵爲外。一一各五百卽爲五千別迷四諦則成二萬并本一千則有一萬一千依二毒等分成八萬四千經文自具。一有二云以十惡爲本展轉相成

一一各十故成一百迷自他五塵爲一千正迷十諦法門謂四諦三諦二諦一諦或迷說成諦等十諦或迷十善故成一萬然迷十諦空有不同分成二萬或迷十善二諦亦分二萬并本一千餘如經辨然二皆有理任情去取更有異釋如賢劫經等非今經意鈔或迷說成者卽五地中十諦之義言十諦者卽是十種觀察四諦謂一善知俗諦二善知第一義諦三善知相諦四善知差別諦五善知成立諦六善知事諦七善知生諦八善知盡無生諦九善知入道諦十善知一切菩薩地次第成

就乃至善知如來智成就諦今言說成者卽論經  
中第五成立諦名也以其第五觀於四諦緣起集  
成故偏舉之隨言顯示故論中名爲說成也二皆  
有理者卽疏會通並未見文故未可去取但以理  
通然其前解似喻於煩惱故後似約業故又迷十  
諦惑義多故更有異釋者會通異釋九地已明  
了知如是悉是虛妄如是知已成就香幢雲自在光  
明清淨善根。

疏後了知下能滅謂了惑本虛居然不生故晉經  
云此諸煩惱皆悉除滅除滅故清淨惑亡智顯卽  
自在光明善根成就言香幢雲者卽九地善根至  
下當明。

若有衆生見其益者種一清淨金網轉輪王一恒河  
沙善根。

疏第二若有衆生見其益下明見益於中二先  
正明得益一佛子菩薩住此下明攝化轉益。今  
初準晉經云種一恒河沙轉輪聖王所植善根所  
謂白淨寶網輪王等是則多箇輪王非一輪王之  
多善也梵本亦然。鈔今初已下疏文有一先通  
釋清淨金網於中有三一引晉經梵本成寶網義

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

喜慶疏金卷之二

是則多箇者卽寶網是一等取金網琉璃等多故  
有一恒沙非一輪王之多善者則以舊經彈於今  
經今經云種清淨金網轉輪王一恒河沙善根則  
一輪王有多善耳言梵本亦然者卽以梵本成於  
晉經疏而言清淨金網者準瓔珞上卷金輪在十迴向  
初地已上皆是琉璃輪而增寶數爲別是知舊譯  
爲寶網者勝金網也故彼經云歡喜地百寶瓔珞  
七寶相輪四天王一萬子爲眷屬百法身爲百佛  
國土中化十方天下已後畧無化之分齊寶數一

一增至第七地十三寶相輪八地但云大應寶相  
輪九地云白雲寶相輪十地云百萬神通寶光瓔  
珞無畏珠寶相輪鈔增至第七地者以初地七  
寶一地八寶三地九寶四地十寶五地十一寶六  
地十二寶七地十三寶八地已上不增寶數但云  
大寶相輪

疏若順晉經白淨之言則是九地卽前香幢雲自  
在光明若然彼但是所等則金網無失鈔若順  
晉經下一成晉經謂今得十地成九地已上善根  
白淨同白雲寶故卽前香幢者引前行經證成晉

經晉有白字此前有雲字二經合成瓔珞白雲寶  
義若然下第三會取今經於中又二先順晉經收  
今謂晉經得十地有九地已下白淨寶等諸輪王  
善彼云白淨寶網等卽等於金銀輪等若是能  
等爲金網則十地非金若以所等爲金金等何失  
則晉經從九地向下等今經從十迴向當中向上  
等故言無失則亦是多箇輪王善根謂得金網等  
一恒河沙輪王善根故云無失。

疏若取十地爲清淨金網正當十地以無畏珠爲  
清淨義又攝化分齊與上第十地攝報果同則證

十地明矣故下此王放光遇者亦登十地 鈔若  
取十地下直順金網一轉輪王多善根義以三義  
證成一以無畏珠爲清淨義二以攝化分齊同十  
地義卽後行經云在此轉輪王位於百千億那由  
他佛刹微塵數世界中教化衆生正同十地攝報  
果中所化分齊三故下此下以轉益文證成此王  
轉益尚皆得於十地故知此王卽是十地故彼經  
云菩薩安住清淨金網轉輪王位亦復如是則金  
網非所等正是十地但其金字瓔珞雖無餘經或  
有故金剛頂經廣說金輪佛頂。

疏言一恒沙者謂從九地已還乃至十住銅輪以  
此十地所化分齊比前如恒沙矣故晉經云寶網  
輪王等等取前也鈔一恒沙下第一別釋恒沙  
善根雖金輪爲所等能具義則不同一恒沙善根  
二經須一言九地已還者正順晉經從自淨九地  
向下等故

佛子菩薩住此轉輪王位於百千億那由他佛刹微  
塵數世界中教化衆生

疏第二攝化轉益中二先明得利益後佛子如得  
初禪下成得益今初有法喻合法中直明攝化分

齊已如前釋

佛子譬如明鏡世界月智如來常有無量諸世界中  
比丘比丘尼優婆塞優婆夷等化現其身而來聽法  
廣爲演說本生之事未曾一念而有間斷若有衆生  
聞其佛名必得往生彼佛國土

疏喻中初化無間斷喻上法中教化衆生後若有  
聞名必生其國喻下合中遇斯光明獲十地位  
菩薩安住清淨金網轉輪王位亦復如是若有暫得  
遇其光明必獲菩薩第十地位以先修行善根力故  
疏後合中初句總合準晉經亦復如是下欠放曼

陀羅自在光明之言今經影在後喻合中若直云  
得遇斯光前文無放光處爲遇何耶言得十地者  
此品總有三重皆得十地故名展轉益一諸天子  
聞鼓說法得十地二此天子毛孔出華蓋雲見者  
得輪王位即是十地三輪王放光遇者復得十地  
此三位皆齊等同時頓成各塵數多類總是一隨  
好中一光之力餘光好等彌更難說言以光修行  
善根力者顯頓益之因因聞普法修普善故 鈔  
今經影在者出今經闕光之理卽後得初禪喻合  
中經云菩薩摩訶薩住清淨金網轉輪王位放摩  
尼髻清淨光明是也若直云得下以理成立  
佛子如得初禪雖未命終見梵天處所有宮殿而得  
受於梵世安樂得諸禪者悉亦如是

疏第二成德益中先喻後菩薩下合喻意云欲界  
修得色定以欲界眼見色界境喻菩薩頓證未轉  
凡身見十地境以法力故是則三祇可一念而屆  
者明一攝一切故塵劫不窮一位者明一切攝一  
故如是遲速自在是此圓教非餘宗也

菩薩摩訶薩住清淨金網轉輪王位放摩尼髻清淨  
光明若有衆生遇斯光者皆得菩薩第十地位成就

無量智慧光明得十種清淨眼乃至十種清淨意具足無量甚深三昧成就如是清淨肉眼。

疏二合中初正明得益後佛子假使下顯境分齊今初言得菩薩第十地者猶是牒前合中以德依地成所以重牒不然則成兩度放光各得十地言成就如是清淨肉眼者謂上諸德十眼皆依凡身肉眼而成故就結之鈔猶是牒前者即是前明鏡世界喻中合文云菩薩安住清淨金網轉輪王地位亦復如是若有覩得遇其光明必獲菩薩第十地位以德依地成下出重牒所以不然下反以成

立

佛子假使有人以億那由他佛刹碎爲微塵一塵一刹復以爾許微塵數佛刹碎爲微塵如是微塵悉置左手持以東行過爾許微塵數世界乃下一塵如是東行盡此微塵南西北方四維上下亦復如是如是十方所有世界若著微塵及不著者悉以集成一佛國土

疏後顯境分齊者卽顯肉眼境界廣大肉眼尚爾餘眼玄妙不可說也文中三初假設譬喻以顯境多次正明能見後結德有歸今初分三初明一

重廣大

寶手於汝意云何如是佛土廣大無量不可思議不答曰不也如是佛土廣大無量希有奇特不可思議若有衆生聞此譬喻能生信解當知更爲希有奇特佛言寶手如是如是如汝所說若有善男子善女人聞此譬喻而生信者我授彼記決定當成阿耨多羅三藐三菩提當獲如來無上智慧

疏一寶手於汝意下問答顯廣

寶手設復有人以千億佛利微塵數如上所說廣大佛土末爲微塵以此微塵依前譬喻一一下盡乃至

集成一佛國土復末爲塵如是次第展轉乃至經八十反

疏二寶手設復下復積前數重顯廣大

如是一切廣大佛土所有微塵菩薩業報清淨肉眼於一念中悉能明見亦見百億廣大佛刹微塵數佛如玻瓈鏡清淨光明照十佛刹微塵數世界

疏第二如是一切下正明能見先見前廣利之塵肉眼能見已是超勝况一念耶次亦見下明見多佛後如玻瓈下明見之相無心無來去矣

寶手如是皆是清淨金網轉輪王甚深三昧福德善

根之所成就。

疏第三寶手如是下。結德有歸。歸輪王善差別因果竟此品之末。經來未盡。鈔此品之末者。以說展轉益竟應須結歸本光。及隨好力。并現瑞成益等。今並無此明是未盡。

信士沈智襄朱智伏全募助銀五兩一錢三分刻此一卷芳名開後

朱大田一兩 比丘大賓 沈洪源 朱紘共  
五錢 沈智襄室朱氏男試荐父海定母性義  
叔玉泉瑛泉璣金氏周天於當念中悉能明見  
速獲如來無上智慧 朱智伏祈母富大涇

大方廣佛華嚴經疏鈔卷四十八之二

大方廣佛華嚴經疏鈔卷第四十九

于闐國三藏沙門實叉難陀譯

清涼山大華嚴寺沙門澄觀撰述

普賢行品第三十六

疏初來意者先通後別。通謂二品明出現因果。故次來也。亦名平等因果。謂會前差別因成此普賢之圓因。會差別果成性起出現之果。又前約修生此約脩顯故。若爾何以更無別問。復何以差別果終而無瑞證平等因竟便有瑞耶。卽以此義顯是會前若更別問便有隔絕。欲會前故不以瑞隔。普

法希奇因果各瑞。又前應有瑞。經來未盡故。所以無耳。鈔若更別問下。別答三問。初答不問之難。二欲會前故。不以瑞隔。通前第二。差別果終而無瑞難。三普法希奇下。通第三平等因。竟便有瑞難。又前應有下。第二經來未盡答。以第四十八經終無結束故。此後更合有經。然此但通第二前無瑞證難。

疏別謂此品先因後果。義次第故。亦遠答前第二會初所行問。及不思議品念請本願問故。前雖已答下二深妙。故重明之。亦猶相海隨好。而妙中之

妙。古德別爲一段因果。鈔前雖已答下二解。妙文三。初正答重難。謂先若未答。應須答之。不思議品已答。何須重答。故爲此通。二亦猶下引例。三妙中之妙下。重通伏難。謂有難言。若例相海等。但是重答。何以別爲平等因果。故爲此通。古德等者。然平等因果乃是古意。爲欲順古。故爲此通。若疏正面。欲將五品皆答所成果問。已如不思議品初說。○疏二釋名者。初通顯二品義名。依性起脩。依性起用。差別相盡。因果體均。故云平等因果。又因是果。因量周法界。果是果。果境界如空。因果俱盡。未來

9 10 1 2 3

4 5

6 7

8 9

20 1

2 3

4 5

6 7

8 9

30 1

2 3

4 5

6 7

8 9

利樂含識故名出現。鈔初通顯二品疏文有二。先約平等釋於中亦二。先約同歸一理所以平等。依性起脩約因起用約果相盡同真所以平等。後又因是果因下約一事交徹故云平等以是得果不捨之因故云因是果因依果起果之果故云果是果果如空法界二文影響。

疏別則品名普賢卽標人顯法明此行法非次第法行者顯法非人品明所行非說人體德周法界爲普至順調善曰賢依性造修曰行鈔品明所行下密彈苑公以彼釋云普者徧也賢者善也行人取行非說普賢之身。

疏然普賢行諸經多有其名品中雖廣今畧顯十義以表無盡一所求普謂要求證一切如來平等所證故二所化普一毛端處有多衆生皆化盡故三所斷普無有一惑而不斷故四所行事行普無有一行而不行故五所行理行普卽上事行皆徹

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏錄卷四十九

三

理源性具足故六無礙行普上二交徹故七融通行普隨一一行融攝無盡故八所起用普用無不能無不周故九所行處普上之八門徧帝網刹而修行故十所行時普窮三際時念劫圓融無竟期故上之十行參而不雜涉入重重故善財入普賢一毛所得法門過諸善爻不可說倍又上十行通收爲二若位後普賢則得果不捨因徹窮來際爲普賢行以人彰法則普賢之行若位前位中普賢則以德成人但脩普行卽曰普賢亦則普賢卽行但從行名故若獨位後普賢則普賢之行無施下

位廣釋普賢如初會辨鈔然普賢行下別釋普行於中有二一標舉言諸經多有其名者法華經云若有受持讀誦正憶念解其義趣如說脩行當知是人行普賢行釋曰此卽有名而相猶隱則受持讀誦是事行也正憶念通智行理行也普賢觀經名觀普賢行法經亦是持經禮懺坐禪皆其行耳故多有名少辨行相故今辨之品中雖廣者長行與偈一一皆是普賢之行猶散難見故復束之上之十行下三料據於中有二先融通謂前有圓融行布事理等殊今總融爲一若不說事理等異

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏卷四十五

四

重

無可融故。故畧述其十後方總融。又上十行下約位重揀兼會六釋普賢位者已見上文。若獨位後下二彈異釋卽是前總中所破然復有二一破其獨用位後普賢故。如前所引疏文。一廣釋普賢下結成非說人體兼示說人之處。

疏三宗趣者亦先通後別通以二品明平等因果爲宗。會前差別爲趣。別以此品明平等圓因爲

宗成平等果無二爲趣。

爾時普賢菩薩摩訶薩復告諸菩薩大衆言。佛子。如向所演此但隨衆生根器所宜畧說如來少分境界生死流遠如來道故出興于世。

疏釋文中二此品辨因後品明果前中亦二先長行直明後以偈重顯前中又二先正說後瑞證今初亦二先明說因後佛子我不見下正陳今義。前中亦二先標前少說微釋所由。今初普賢說者以人表法故言指向者。近指向前隨好品爲障重地獄衆生畧說隨好少分用故廣說難思。通指前所說之果爲少分境果海絕言故三遠通

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

差別因果雖有圓融之義。以五位漸次。因果殊分。逐機就病。未盡法源。故名少分。則顯下平等因果。逐法性說因果圓融。名廣大說。二微釋中微意云。何以前名少說。釋文二意。一者成上諸佛世尊所。以出世者。以衆生有無明等十過。未宜廣說。故先明差別等。二者生後。謂衆生既過滋多。障累無盡。則一治一切治。一現一切現。衆生無盡。因果亦窮來際。前之所隨。由未盡故。十過者。一者無明。二作惡行。晉經名諸纏。則亦是惑。此二爲總。次六皆無明。三計我我所。四著身見。故六地云。世間受身皆

由著我五三倒四倒等不能決斷。六乖僻正理。七偏計分別入結縛恒隨。九隨生死流。義通業苦。因流果流。故十遠如來行邪徑故。此結成其失。結縛等名。如常所辨。鈔結縛等者。非唯易故。指於常解。然上經文早已頻釋。恐後學難尋。今更具出。經云。一無智者。即是無明。此通獨頭相應二種。二作惡者。卽諸纏也。此有八種十種言八種者。謂一昏沉。二睡眠。此二障止。雜集第七云。謂修止時。昏沉睡眠爲障於內。能引昏沉。故三掉舉四惡作。此二障觀論云。於脩觀時。掉舉惡作爲障於外。能引散

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏妙卷四十九

九

亂故五慳六嫉此二障捨論云於修捨時慳嫉爲障由成就此於自他利慢妬門中數數搖動行人  
心故七無慚入無愧此二障尸羅論云淨尸羅時無慚無愧爲障由具此二犯諸學處無羞耻故言十  
纏者更加忿覆俱舍頌云或十加忿覆雜集論云數數增盛纏繞身心故名爲纏由此諸纏數數增  
盛纏繞一切觀行者心於修善品能爲障礙更有五纏謂愛恚慢嫉慳經云結者雜集第六問云  
結有幾種云何結耶何處結耶此有三問答結有九種謂愛結恚結慢結無明結見結取結疑結嫉

結慳結應爲頌曰愛恚慢無明見取疑嫉慳論不  
愛結者謂欲界貪恚結者謂於有情苦及順苦法  
心生損害慢結者卽七慢等無明結者謂三界無  
知見結者卽三見謂薩迦耶見邊執見邪見取結  
者謂見取戒禁取疑結者謂於諦理猶豫嫉結者  
謂耽著利養不耐他榮發起心姤慳結者耽著利  
養於資生具其心慳惜釋曰云何結何處結二問廣答如論

佛子我不見一法爲大過失如諸菩薩於他菩薩起  
瞋心者

疏第二正陳普賢行中二光明所治廣多後是故  
諸菩薩下能治深妙今初既一惑成百萬障則一  
障一切障義則惑惑皆然今從重說文中三初標  
次徵釋後結成今初標瞋最重除瞋之外更偏  
推求無有一惡如瞋之重故晉經云起一瞋心一  
切惡中無過此惡決定毘尼經云菩薩寧起百千  
貪心不起一瞋以違害大悲莫過此故菩薩善戒  
亦同此說言於他菩薩者若於菩薩起瞋其過尤  
重以令菩薩廢大行故是以大般若中天魔見諸  
菩薩互相是非過常大喜鈔故晉經者以今經

譯者爲順文令人誤解故引三經以正其義謂習  
禪者聞經不見諸法爲大過惡便云惡本性空故  
云不見見則妄想雖是正理不順今經故引三經  
明是無惡過此爲不見有耳決定毘尼者經但一  
卷優波離白佛言世尊或有欲相應心而犯於戒  
或有嗔相應心而犯於戒或有痴相應心而犯於  
戒何者爲重佛言若有菩薩如恒河沙欲相應心  
而犯於戒或有菩薩由一嗔心而犯於戒因嗔犯  
者當知最重所以者何因嗔恚故能捨衆生乃至  
云所有諸結能生親愛菩薩於此不應生畏所有

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

諸結能捨衆生。菩薩於此應生大畏。乃至云大乘之人因欲犯戒。我說是人不名爲犯。因嗔犯者名大過惡。名大墮落。於佛法中是大畱難。是以大藏若下。證於菩薩起嗔最重。彼說魔見衆生互相是非。亦生歡喜。而非大喜。若見菩薩互相是非。則生大喜。過於常喜。如二虎鬪。小亡大傷。二俱無益。菩薩亦爾。自他並損。皆失二利故。

何以故。佛子。若諸菩薩於餘菩薩起瞋恚心。卽成就百萬障門故。

疏二何以下徵釋釋中二二總顯。

何等爲百萬障。所謂不見菩提障。不聞正法障。生不淨世界障。生諸惡趣障。生諸難處障。多諸疾病障。多被謗毀障。生頑鈍諸趣障。壞失正念障。闕少智慧障。眼障耳障。鼻障舌障。身障。意障。惡知識障。惡伴黨障。樂習小乘障。樂近凡庸障。不信樂大威德人障。樂與離正見人同住障。生外道家障。住魔境界障。離佛正教障。不見善友障。善根畱難障。增不善法障。得下劣處障。生邊地障。生惡人家障。生惡神中障。生惡龍惡夜叉惡乾闥婆惡阿脩羅惡迦樓羅惡緊那羅惡摩睺羅伽惡羅刹中障。不樂佛法障。習童蒙法障。樂著

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

小乘障不樂大乘障。性多驚怖障。心常憂惱障。愛著生死障。不專佛法障。不喜見聞佛自在神通障。不得菩薩諸根障。不行菩薩淨行障。退怯菩薩深心障。不生菩薩大願障。不發一切智心障。於菩薩行懈怠障。不能淨治諸業障。不能攝取大福障。智力不能明利障。斷於廣大智慧障。不護持菩薩諸行障。樂誹謗一切智語障。遠離諸佛菩提障。樂住衆魔境界障。不專脩佛境界障。不決定發菩薩弘誓障。不樂與菩薩同住障。不求菩薩善根障。性多見疑障。心常愚闇障。不能行菩薩平等施故起不捨障。不能持如來戒故起

破戒障。不能入堪忍門。故起愚癡惱害障。恚障。不能行菩薩大精進故起懈怠垢障。不能得諸三昧故起散亂障。不脩治般若波羅蜜故起惡慧障。於處非處中無善巧障。於度衆生中無方便障。於菩薩智慧中不能觀察障。於菩薩出離法中不能了知障。不成就菩薩十種廣大眼故眼如生盲障。耳不聞無礙法故口如啞羊障。不具相好故鼻根破壞障。不能辯了衆生語言故成就舌根障。輕賤衆生故成就身根障。心多狂亂故成就意根障。不持三種律儀故成就身業障。恒起四種過失故成就語業障。多生貪嗔邪見故

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏卷四十九

成就意業障。貪心求法障。斷絕菩薩境界障。於菩薩勇猛法中心生退怯障。於菩薩出離道中心生懶惰障。於菩薩智慧光明門中心生止息障。於菩薩念力中心生劣弱障。於如來教法中不能住持障。於菩薩離生道不能親近障。於菩薩無失壞道不能修習障。隨順二乘正位障。遠離三世諸佛菩薩種性障。

中疏二何等下徵列標雖百萬畧列百門。

疏古人寄位分五初障十信行。一不樂佛法下障。十住行。三不得菩薩諸根下障。十行之行。四樂誹謗一切下障。十向行。五不樂與菩薩同住下障。十

地行。言口如瘡羊障者。此是耳根障。以生邊地不聞法處。故口無所說舌根之障。次下自明。昔結云菩薩萬行不過此五。起一瞋心。一切頑障。此釋非不有理。如貪心求法。豈獨障於地耶。是知通障一切信尚不起。況後位耶。又所障法界。如帝網重重能障同所。亦皆無盡。故知百萬猶是畧明。鈔古人人寄位下。二斥古釋。刊定同此。又所障下。四結成正義。猶是古釋。故有又言。疏意取此。不欲局配。故爲正義。

佛子。若菩薩於諸菩薩起一瞋心。則成就如是等百

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

萬障門。何以故。佛子。我不見有一法爲大過惡。如諸菩薩於餘菩薩起瞋心者。

疏三。佛子若菩薩下。結成可知。是故諸菩薩摩訶薩欲疾滿足諸菩薩行。應勤脩十種法。

疏第二能治深妙中二。先正顯後結勸。今初文有六位。位各十行。初一始脩。後五成益。故後五段展轉依初。是爲初卽攝後。一治一切治也。說有前後。得卽一時。今初分二。先標舉勸修。

何等爲十。所謂心不棄捨。一切衆生於諸菩薩生如

來想。永不詐謗。一切佛法。知諸國土無有窮盡。於菩薩行深生信樂。不捨平等虛空法界。菩提之心。觀察菩提入如來力。精勤脩習無礙辯才。教化衆生。無有疲厭住。一切世界心無所著。是爲十。

疏後何等下徵列及結於中十法攝爲五對。辨五種修初二約人明謙敬修敬上愛下故。次二約法明真正修順教知事故。次二約心行明廣大修樂大行堅大心故。次二約智明增勝修。內入果智。外起勝辨。故後二約悲願明長時修衆生無盡悲此不疲。世界無邊願住不著故。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏金卷四十九

十一

佛子菩薩摩訶薩安住此十法已。則能具足十種清淨。何等爲十。所謂通達甚深法清淨。親近善知識清淨。護持諸佛法清淨。了達虛空界清淨。深入法界清淨。觀察無邊心清淨。與一切菩薩同善根清淨。不著諸劫清淨。觀察三世清淨。脩行一切諸佛法清淨。是爲十。

疏第二清淨者。依前正修行時成離染故。文中二初躡前起後。後徵數列名下。皆倣此例。中十句。次第從前十句而成。一由不捨衆生。故達深法淨。以衆生皆有佛性。卽妄而真爲深法故。二由敬上故。

能近三由不謗故能護。四由知無盡故了如空。五由菩薩行不離法界故深入。六知菩提心等虛空故無邊七。觀察菩薩皆同此觀。能入佛力故。名爲根入精脩不懈。故不著劫數。九由化無厭故觀三世衆生化未化等。十由願住世界能修一切佛法。佛子菩薩摩訶薩住此十法已。則具足十種廣大智。何等爲十。所謂知一切衆生心行智。知一切衆生業報智。知一切佛法智。知一切佛法深密理趣智。知一切陀羅尼門智。知一切文字辯才智。知一切衆生語言音聲辭辯善巧智。於一切世界中普現其身智。於

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

一切衆會中普現影像智於一切受生處中具一切智智是爲十。

疏第三廣大智者垢染既拂本智自明稱性相知故云廣大亦從前十及次十而成然有開合恐煩不配說者隨宜鈔亦從前十等者疏恐文繁今當畧配其中名字有同初十有同次十今且如次配於次十一由知深法了衆生心行衆生心行最甚深故一由近友成勝業報三由護法故知佛法四了達空界知深理趣五深入法界成妙義持六觀無邊心即是所詮故得能詮辯才演暢七具菩

薩行能隨心演八同菩薩善故能普偏尤不著諸劫常現影像十順諸佛法具一切智從次十生既如次第從初十生義同前說上依不開若開合者如初二法皆是深法則此開前合若此總持由於近友護法而成則此合前開約理無方故云開合實則如次義已周圓如三對前二既然四五承前可以思准。

佛子菩薩摩訶薩住此十智已則得入十種普入何等爲十所謂一切世界入一毛道一毛道入一切世界一切衆生身入一身一身入一切衆生身不可說

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

劫入一念。一念入不可說劫。一切佛法入一法。一法入一切佛法。不可說處入一處。一處入不可說處。不可說根入一根。一根入不可說根。一切根入非根。非根入一切根。一切想入一想。一想入一切想。一切言音入一言音。一言音入一切言音。一切三世入一世。一世入一切三世。是爲十。

疏第四普入者事隨理融本來卽入智了法爾無境不通故身心皆入亦從前三生可以意得非根者境識及理皆非根也。

佛子菩薩摩訶薩如是觀察已則住十種勝妙心何

等爲十所謂住一切世界語言非語言勝妙心住一切衆生想念無所依止勝妙心住究竟虛空界勝妙心住無邊法界勝妙心住一切深密佛法勝妙心住甚深無差別法勝妙心住除滅一切疑惑勝妙心住一切世平等無差別勝妙心住三世諸佛平等勝妙心住一切諸佛力無量勝妙心是爲十。

疏第五勝妙心者由前知法本融則事理無礙應機成益名勝妙心從前四生亦可意得。

佛子菩薩摩訶薩住此十種勝妙心已則得十種佛法善巧智何等爲十所謂了達甚深佛法善巧智出

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

生廣大佛法善巧智。宣說種種佛法善巧智。證入平等佛法善巧智。明了差別佛法善巧智。悟解無差別佛法善巧智。深入莊嚴佛法善巧智。一方便入佛法善巧智。無量方便入佛法善巧智。知無邊佛法無差別善巧智。以自心自力於一切佛法不退轉善巧智。是爲十。

疏第六善巧智者。由上理事無礙。今則權實決斷。名善巧智。有十一句。後二合一餘皆如次。從前十一成。一卽言亡言爲甚深。二無依故廣大。三如依空生色。故能說種種四住無二邊故證平等。五了種

智深密故了差別。六無差全同。七若無疑惑。則佛法莊嚴入以平等成一方便。九三世法約差別門爲無量方便。十由住佛力。得知佛無邊自力不退。從前十旣爾。從前四段亦然。如是展轉不離始修故隨一法具一切矣。

佛子。菩薩摩訶薩聞此法已。咸應發心恭敬受持。何以故。菩薩摩訶薩持此法者。少作功力。疾得阿耨多羅三藐三菩提。皆得具足一切佛法。悉與三世諸佛法等。

疏第二佛子菩薩下結勸。一行能具一切。故疾得

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

菩提。

爾時佛神力故法如是故。十方各有十不可說百千億那由他佛刹微塵數世界六種震動雨出過諸天一切華雲香雲末香雲衣蓋幢幡摩尼寶等。及以一切莊嚴具雲雨衆妓樂雲雨諸菩薩雲雨不可說。如來色相雲雨不可說讚歎如來善哉雲雨如來音聲充滿一切法界雲雨不可說莊嚴世界雲雨不可說增長菩提雲雨不可說光明照耀雲雨不可說神力說法雲如此世界四天下菩提樹下菩提場菩薩宮殿中見於如來成等正覺演說此法。十方一切諸世

界中悉亦如是。

疏大文第二爾時佛下證成中一二現瑞證於中先此界後如此下結通。

爾時佛神力故法如是故。十方各過十不可說佛刹微塵數世界外有十佛刹微塵數菩薩摩訶薩來詣此土充滿十方作如是言善哉善哉佛子乃能說此諸佛如來最大誓願授記深法佛子我等一切同名普賢各從普勝世界普幢自在如來所來詣此土悉以佛神力故於一切處演說此法如此衆會如是所說一切平等無有增減我等皆承佛威神力來此道

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏卷四十九

七

場爲汝作證。如此道場我等十佛刹微塵數菩薩而來作證。十方一切諸世界中悉亦如是。

疏二爾時至十方下諸菩薩證亦先此土後如此下結通言授記深法者少用功力疾得菩提故同名普賢者皆有此行故普勝界者依此普法最爲勝故普幢自在者此行成果高出無礙故。

爾時普賢菩薩摩訶薩以佛神力自善根力觀察十方洎乎法界欲開示菩薩行欲宣說如來菩提界欲說大願界欲說一切世界劫數欲明諸佛隨時出現欲說如來隨根熟衆生出現令其供養欲明如來出顯可知。

世功不唐捐欲明所種善根必獲果報欲明大威德菩薩爲一切衆生現形說法令其開悟而說頌言。

疏第二以偈重顯中二先敘述後正頌今初亦二先說儀後欲開下說意此有十意偈中並具文

汝等應歡喜捨離於諸蓋一心恭敬聽菩薩諸願行疏第二正頌中百二十一頌分二前二十四顯說分齊餘皆正辨普賢行相此是伽陀與前長行綺互共顯普賢之行前是畧明十法展轉相生此則廣顯諸門畧無展轉又前多顯體此多辨用前中

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴政金卷四十九

二初一誠聽許說。鈔第二正顯頌中文三初總科二此是伽陀者是孤起偈揀非祇夜不重頌前三前是畧明下據二文別。

往昔諸菩薩最勝人師子如彼所修行我當次第說亦說諸劫數世界并諸業及以無等尊於彼而出興如是過去佛大願出于世云何爲衆生滅除諸苦惱一切論師子所行相續滿得佛平等法一切智境界見於過去世一切人師子放大光明網普照十方界思惟發是願我當作世燈具足佛功德十力一切智一切諸衆生貪恚癡熾然我當悉救脫令滅惡道苦

發如是誓願堅固不退轉具修菩薩行獲十無礙力如是誓願已修行無退怯所作皆不虛說名論師子疏餘正示分齊於中二前九頌許說過去菩薩行於一賢劫中千佛出于世彼所有普眼我當分別說如一賢劫中無量劫亦然彼未來佛行我當分別說如一佛刹種無量刹亦然未來十方尊諸行我今說疏於一賢劫下許說三世佛菩薩行於中二前三偈舉說時處前二時後一處

諸佛次興世隨願隨名號隨彼所得記隨其所壽命隨所修正法專求無礙道隨所化衆生正法住於世

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

隨所淨佛刹。衆生及法輪演說時。非時次第淨羣生。隨諸衆生業所行及信解。上中下不同化彼令修習。入於如是智。修其最勝行。常作普賢業。廣度諸衆生。身業無障礙。諸業悉清淨。意行亦如是。三世靡不然。菩薩如是行。究竟普賢道。出生淨智日。普照於法界。未來世諸劫國土不可說。一念悉了知。於彼無分別。行者能趣入。如是最勝地。此諸菩薩法。我當說少分。智慧無邊際。通達佛境界。一切皆善入所行。不退轉。具足普賢慧。成滿普賢願。入於無等智。我當說彼行。疏後十一偈明所說行。於中前四諸佛出世行。卽

普賢行。故名因果圓融。後七菩薩三輪願智行。卽  
普賢行。

於一微塵中。悉見諸世界。衆生若聞者。迷亂心發狂。如於一微塵。一切塵亦然。世界悉入中。如是不可思議。一一塵中有十方三世法。趣利皆無量。悉能分別知。一一塵中有無量種佛刹。種種皆無量。於一塵不知。法界中所有種種諸異類。趣類各差別。悉能分別知。疏第二於一微塵下。正顯普賢行。九十七頌分二。初六十七明卽悲大智行。後未安者下三十頌。卽智大悲行。今初有十種行。一初五頌明善入帝網。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

華嚴疏鈔卷四十九

行

深入微細智。分別諸世界。一切劫成壞。悉能明了說。  
 知諸劫修短。三世卽一念。衆行同不同。悉能分別知。  
 深入諸世界。廣大非廣大。一身無量刹。一刹無量身。  
 十方中所有異類諸世界。廣大無量相。一切悉能知。  
 一切三世中。無量諸國土。具足甚深智。悉了彼成敗。  
 十方諸世界。有成或有壞。如是不可說。賢德悉深了。  
 或有諸國土種種地嚴飾。諸趣亦復然。斯由業清淨。  
 或有諸世界無量種雜染。斯由衆生惑。一切如其行。  
 無量無邊刹了知。卽一刹如是入諸刹。其數不可知。

一切諸世界。悉入一刹中。世界不爲一。亦復無雜亂。  
 世界有仰覆。或高或復下。皆是衆生想。悉能分別知。  
 廣博諸世界。無量無有邊。知種種是一。知一是種種。  
 普賢諸佛子。能以普賢智。了知諸刹數。其數無邊際。  
 知諸世界化刹化衆生化法化諸佛化。一切皆究竟。  
 一切諸世界。微細廣大刹。種種異莊嚴。皆由業所起。  
 無量諸佛子。善學入法界。神通力自在。普偏於十方。  
 衆生數等劫。說彼世界名。亦不能令盡。唯除佛開示。  
 疏二十七頌。深入時處微細行。

世界及如來。種種諸名號。經於無量劫。說之不可盡。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

何況最勝智。三世諸佛法。從於法界生。充滿如來地。清淨無礙念。無邊無礙慧。分別說法界。得至於彼岸。疏三世界及如來下三頌。明了佛心祕密行。前一偈半躡前起後。後一偈半正顯難了能了。

過去諸世界廣大及微細修習所莊嚴。一念悉能知。其中人師子修佛種種行成於等正覺。示現諸自在。如是未來世次第無量劫。所有人中尊菩薩悉能知。所有諸行願。所有諸境界。如是勤修行。於中成正覺。亦知彼衆會壽命化衆生。以此諸法門爲衆轉法輪。菩薩如是知。住普賢行地。智慧悉明了。出生一切佛。

現在世所攝。一切諸佛土。深入此諸刹通達於法界。彼諸世界中。現在一切佛。於法得自在。言論無所礙。亦知彼衆會淨土應化力。盡無量億劫。常思惟是事。調御世間尊。所有威神力。無盡智慧藏。一切悉能知。疏四十偈了三世佛攝化行。

出生無礙眼無礙耳鼻身無礙廣長舌能令衆歡喜。最勝無礙心廣大普清淨。智慧徧充滿。悉知三世法。疏五出生下二偈六根無礙行。善學一切化刹化衆生化世化調伏化。究竟化彼岸。世間種種別。皆由於想住。入佛方便智。於此悉明了。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

衆會不可說。一一爲現身。悉使見如來。度脫無邊衆。  
疏六有三偈。如化無方行。

諸佛甚深智。如日出世間。一切國土中。普現無休息。  
了達諸世間。假名無有實。衆生及世界。如夢如光影。  
於諸世間法。不生分別見。善離分別者。亦不見分別。  
無量無數劫。解之卽一念知。念亦無念。如是見世間。  
無量諸國土。一念悉超越。經於無量劫。不動於本處。  
不可說諸劫。卽是須臾頃。莫見修與短。究竟刹那法。  
心住於世間。世間住於心。於此不妄起。二非二分別。  
衆生世界劫。諸佛及佛法。一切如幻化。法界悉平等。

普於十方刹。示現無量身。知身從緣起。究竟無所著。  
依於無二智。出現人師子。不著無二法。知無二非二。  
疏七諸佛甚深下十頌。三世間自在行。此中玄妙。  
宜審思之。鈔此中玄妙者。大經文理觸途多妙。  
但文言浩博。不能具釋。又理玄文易。故令思之。旣  
云玄妙。今重畧釋。初偈法喻雙標。能觀之智。明橫  
周堅永。次偈達二世間。假名無實。卽是假觀。三有  
一偈。雙離分別及無分別。以成空觀。四有一偈。解  
念無念。卽中道觀。又二卽是觀。三卽是止。四卽雙  
運。五不動遊利。於器界自在。六融念劫。於時自在。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

上二事理雙遊。七遣二不二。善會中道通一。世間入結三世間等同法界。九結能徧身。十結能所不二。上半無二遣。二下半復遣無一。若著無二。即是於二有能所故。故知無二非二。故無所著。

了知諸世間。如燄如光影。如響亦如夢。如幻如變化。如是隨順入諸佛所行處。成就普賢智。普照深法界。衆生利染著。一切皆捨離。而興大悲心。普淨諸世間。菩薩常正念論師子妙法。清淨如虛空。而興大方便。見世常迷倒。發心咸救度。所行皆清淨。普徧諸法界。諸佛及菩薩佛法世間法。若見其真實。一切無差別。

### 疏八六頌別明智正覺世間自在行

如來法身藏。普入世間中。雖在於世間。於世無所著。譬如清淨水。影像無來去。法身徧世間。當知亦如是。如是離染著。身世皆清淨。湛然如虛空。一切無有生。知身無有盡。無生亦無滅。非常非無常。示現諸世間。除滅諸邪見。開示於正見。法性無來去。不著我我所。即前藏身。普賢菩薩自體徧言。亦同此也。

譬如工幻師。示現種種事。其來無所從。去亦無所至。幻性非有量。亦復非無量。於彼大衆中。示現量無量。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

以此寂定心修習諸善根。出生一切佛。非量非無量。有量及無量。皆悉是妄想了達一切趣。不著量無量。諸佛甚深法。廣大深寂滅。甚深無量智。知甚深諸趣。菩薩離迷倒。心淨常相續。巧以神通力度無量衆生。

疏十有六頌。非量示量行。

未安者令安。安者示道場。如是徧法界。其心無所著。不住於實際。不入於涅槃。如是徧世間開悟諸羣生。法數衆生數了知而不著。普雨於法雨。充洽諸世間。普於諸世界。念念成正覺。而修菩薩行。未曾有退轉。

疏第二。卽智之悲行中。亦有十行。一。初四偈無住。

### 攝化行。

世間種種身。一切悉了知。如是知身法。則得諸佛身。普知諸衆生。諸劫及諸刹。十方無涯際。智海無不入。衆生身無量。一一爲現身。佛身無有邊。智者悉觀見。一念之所知。出現諸如來。經於無量劫。稱揚不可盡。

疏二。有四偈。非身現身行。

諸佛能現身。處處般涅槃。一念中無量舍利各差別。

疏三。一頌。分布舍利行。

如是未來世。有求於佛果。無量菩提心。決定智悉知。如是三世中。所有諸如來。一切悉能知名。住普賢行。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

疏四二頌知佛大心行

如是分別知無量諸行地。入於智慧處。其輪不退轉。微妙廣大智。深入如來境。入已不退轉。說名普賢慧。一切最勝尊。普入佛境界。修行不退轉。得無上菩提。

疏五三頌法輪深入行

無量無邊心。各各差別業。皆由想積集。平等悉了知。染汙非染汙。學心無學心。不可說。諸心念念中悉知。了知非一二。非染亦非淨。亦復無雜亂。皆從自想起。如是悉明見。一切諸衆生心想各不同。起種種世間。以如是方便修諸最勝行。從佛法化生。得名爲普賢。

疏六無量無邊下五頌了知根器行

衆生皆妄起善惡諸趣想。由是或生天。或復墮地獄。菩薩觀世間妄想業所起。妄想無邊故。世間亦無量。一切諸國土。想網之所現。幻網方便故。一念悉能入。疏七二頌了世業惑行

眼耳鼻舌身意。根亦如是。世間想別異。平等皆能入。一一眼境界無量。眼皆入。種種性差別。無量不可說。所見無差別。亦復無雜亂。各隨於自業。受用其果報。普賢力無量。悉知彼一切。一切眼境界。大智悉能入。如是諸世間。悉能分別知。而修一切行。亦復無退轉。

疏入五頌了達根境無礙行。佛說衆生說及以國土說。二世如是說。種種悉了知。

疏九一頌知四種說法行。而利說等者畧有三義。

一約通力。二約融通。一說一切說故。三約顯理是

類說。菩薩觸境皆了知故。則觸類成教。如香飯等。

鈔九有一頌者。卽三世間及時爲四。若時分三世

間。則成六種。若於三世各三世間。則有九種總一

切說。卽是十義。從而利等說者。釋義利及三世。此

義微隱。故疏釋之。言融通者。一塵卽攝一切。何得

刹中無說言顯理者。如色卽顯質礙。卽顯緣生。卽

顯無常。卽顯無性等。言則觸類成教者。證顯理義。

如前教體中明。

過去中未來。未來中現在。二世互相見。一一皆明了。如是無量種開悟諸世間。一切智方便邊際不可得。

十。未後二頌。三世攝化行平等因竟。

佛弟子葉盈巒捐資四兩四錢二分刻此一卷。耑  
薦亡母李氏獨多生之罪。入普賢之行。并祈自  
身全室閔氏女西娜男取郎。一切如意者。

大方廣佛華嚴經疏鈔卷第四十九終

9 10 11 12 13 14 15 16 17 18 19 20 21 22 23 24 25 26 27 28 29 30 31

撰述

華嚴疏錄卷四十一

三

大威貢那華嚴疏錄卷四十一

外

良全室閱天大酉微眾東漸天祐中寫吉

惠

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

之

古

中

人

普

覺

工ノ四十九